

季世樓詩存

卷之四

卷之四

卷之四

卷之四

卷之四

丙寅四月

刊於滬上

花近樓詩存
七編二卷

歸安朱祖謀署檢



花近樓詩存七編卷一

貴陽陳夔龍筱石

甲子集

元日立春卽事

鳳紀祥開景物新
迎年欣遇歲朝春
煙濃柏葉飄香篆
風煖屠蘇動酒鱗
湘管題紅書帖子
鈞瓷凍綠薦盤辛
朝正舊識天顏喜
老卧滄江夢紫宸

少石兄將回杭州以詩話別依韻奉酬

清時珍重勉加餐
矍鑠還欣善據鞍
一院東西忘主客
四旬離合雜悲歡
西湖山水晴方好
北斗京華望欲闌

蘇戩昨自京甫迓春來君遽別梅花知向馬頭看
回旋復北上

兩家兒女老懷縈喜聽朝來爆竹聲忽漫酒痕憶杭郡
早推詩格似宣城春爲歲首膺多福壽與天同美篤
生我亦橫橋歸計決比鄰猶及伴流鶯

新正二日消寒第六集用堯衢除夕詩韻

春風著意到庭除舊雨偕來意興舒買醉好尋千日酒
傾談抵讀十年書才名自昔推揚馬交誼而今薄耳餘
甲子上元開鳳曆天時人事竟何如

一冬雪少待辛祈正月繁霜或免譏江上鯽魚名士盡
堂前燕子故家稀離騷楚客傷憔悴中露黎臣賦式微

差喜陽回春意益午觴猶得駐斜暉

題桐城張文和公

廷玉

自訂年譜示費梓怡

煙閣雲臺孰比倫恩如父子義君臣一門三世功名盛

占卻當年半搢紳

張姚兩姓占卻半部搢紳為當時忌者蜚語

世家江左潘翁貴何似桐城得地先配饗春秋叨異數

不堪告廟委喪年

配饗廟廷漢臣遭際異數迨十七條告廟而世局變矣

叔疑龍斷果何心子弟多才慮轉深乞把探花讓寒峻

一時佳話徧詞林

明良遇不需逢比貴盛心還寄許巢特為卿家圖世系

早傳天語下螭坳

純廟賜詩云便將翰苑登瀛譜喚作卿家世系圖

初五日消寒第七集蘇戡方伯招飲卽席奉簡

淋漓大筆寫宜春通德門高帶草新剛日讀經柔讀史

今朝爲主昨爲賓遙知一體聯官府

客臘入京曾建整頓內務府之策

早識三山有鳳麟甫卸南轅仍北轍嗚呼何幸作王人

蘇戡復以詩索和依韻奉酬卽以贈行

海隅仍是漢家春同作王臣率土濱鈞黨早除元祐籍
齊年合署義熙人事當請急輕離別交到忘形孰主賓
行矣登仙吾羨爾枕戈夢逐屬車塵

嘉興車中遇雪

水天一色認模糊片片花飛入畫圖客裏逢春剛五日

鋒車冒雪過鴛湖

初六日抵杭州越日寶善堂開讌詩以紀事

慣作西泠客鴿原繫我思爰尋葵巷宅重賦草堂詩生

菜霜前味寒梅雪後思奉觴情更切不待試鐙時

月之十三

日爲少石兄七十正
慶先期來杭躋祝

寶善堂前集湖光滿萼樓曲邀公瑾顧宴侍謝安遊縱
酒狂如昔簪花老更羞白頭兄弟樂兒女說風流

將發杭州用堯衢人日詩韻卻寄

五日句留湖上住輕裝臨發長相思故人多病書煩寄

汲侯琴初均在病中羣從歡迎叔不癡室遠怕賡唐棣什春寒料

得早梅知酒尊北海空豪舉莫使禰生笑大兒

訪子修同年不遇以詩代柬

客歲入杭君迓早今年來在去年先龍雲夙結三生契
豹霧胡慳一面緣強索梅花開笑靨恰逢人日寄詩篇
湖山大有更新意妝抹春容到榻前

湖上晚歸

雪後泥融屐齒痕六橋煙柳自搖村行吟似較坡公健
十日春寒已出門

臨別口號

春意寒猶斂豪情老更加吳山朝立馬湖墅夜看花拜

石尋仙侶挑燈問酒家錢江留後約重認鬢絲斜

靈峰寺看梅花

靈峰寺裏梅千樹

舊為寶陀寺

往日東坡憶德雲今我僧房

逢蜀客

寺僧蜀人言蜀中近日戰事甚烈

劍南笳鼓日紛紛

和堯衢元日即事韻

條風來良地佳氣集元辰宵鼓餘殘臘晨鐘報早春層

陰滋地脈高閣擬天真為啟堯年瑞階蕙一葉新

枯坐學禪悅難參最上乘

自四甲子日起每日靜坐刻許

遊蹤隨處寄

詩債逐年增越酒碧於染唐花紅欲蒸狂呼拚一擲五

白又何曾

遊半淞園示鬢雲

翦水淞波活名園一席叨日邊花市遠

適接京函

江上草堂

高舟楫吳兒利鞦韆越女勞老夫苦牽掣白髮手頻搔

和肖雅

才弗如君祇望塵海濱先後作流人萬方多難成何世

十日祁寒不算春東閣吟詩頻寄我南州設榻待留賓

詒書將來滬

未來過去休攬慮珍重吾儕見在身

十三日

萬壽聖節花近樓祝 釐恭紀計到班者二十二人

五雲高處舊班聯垂白心還捧日懸終見赤烏呈瑞世

適逢玄鳥降生年中元甲子從周朔往事辛壬卜啟賢
遙識 帝城排壽宴鼇山燈火照 堯天

堯衢復示祝 輦詩敬和元韻

條鬯 皇風徧八垠奉觴歡聚五洲人三多華祝年開
甲 萬歲嵩呼夜轉寅預卜列星資漢將未須中露感
黎臣平居故國依南斗拜舞新韶拱北辰

元夕和答堯衢

曩歲作上元火樹千萬株今夕感離索獨與小星俱

均在杭州

聖朝宴蒙藩綵仗春絢爛回想太平年夾輔資望旦

每歲

元夕宴蒙古王公於保和殿並陳百戲

為問今宵月歷盡幾闕圓願弛金吾禁城開不夜天

浪說崑崙奪蜀山雲百盤觸我梅龕影燈火樂團圓甲申

乙酉間余在西川節署以甥館兼幕府每值元夕丁文誠公張宴梅龕賓從咸集迄今思之不忘

和少石兄上元阻雪韻

卻貢曾聞罷浙鐙春遊霰集歲豐徵冀開眼界愁遮月
若問頭銜合署冰後約來看湖上柳新詩題徧剡中藤
盈盈帶水通吳越潮落應無異說騰時江浙訛言孔多

燕九節後二日消寒第八集古微侍郎招飲大雅

樓得句奉簡

京遊十載逢燕九又向淞濱預盛筵
臚唱五雲高太甲

生先三月忝同年

余與古微同年生古微小余三月

清風白石商詞譜

夢華成高陽臺詞

曉日青蒲進奏箋

席間話庚子拳亂古微殿中承對事

劫後越

裝知賸幾金龜換得酒如泉

王郎曲

春殿通明乞借陰看花老去不勝簪
逢君忽憶岐王宅此曲能傷楚客心
急管未容歌緩緩多情不覺漏深深
梅村舊賦王郎曲紫稼而今可再尋

二月一日消寒第九集病山侍郎仍在大雅樓招
飲卽席賦呈一律

江梅岸柳意何如料峭春寒二月初重過黃壚尋酒伴

遙知唐殿進農書蘇戡勤殿行走懋撫時恰屈中和節感逝虛

乘薄笨車越五日為亡室周夫人忌期今日新亭張飲宴山河風景

渺愁余

堯衢以消寒八九集古微病山招飲大雅樓詩索

和依韻答之

朋酒聯翩共一樓金尊消盡旅人愁後先赤壁遊能賦

今昔黃壚醉亦漚十年前與止庵乙庵節庵愛蒼子修醉漚小飲不禁人琴之感南國

屏藩棠舍召東京樂府草窗周朝來爽約緣多病風雨

催停入剡舟

病中答夢華堯衢

雞黍虛煩舊雨招，藥鑪茶竈伴蕭寥。卻緣廁上呻吟久，

安得胸中塊壘消。適口喜嘗吳粳軟，夢華餽香稻米驚心怕聽

蜀絃么。得川中書戰事甚烈滄江一卧春寒甚，鎮日潮聲子午朝。

消寒第十集一山招飲徐氏槃居余以病不赴賦

呈五言長句

消寒冬復春，九九八十一。逢九開良宴，高會比真率。昨

者大雅樓，八九集甫畢。章子次居十，召客走不律。急馳

一紙書，預訊二月吉。浦西地蕭曠，城北環堵室。頗聞侯

鯖腴，定卜賓筵秩。先期戒僕夫，來朝命駕出。詎知口福

薄黃夜發瘍疾甯惟步履艱起坐等桔捩十年飽痛苦
雅偕二豎暱儻遲三日病槃居許容膝飲啄皆前定斯
義難究詰適誦倦知詩鐘鼎列庭實觥籌漏下三主客
寮盈七獨懷馮蒿叟竟爾交臂失車公期不來四座頓
蕭瑟憶馮兼憶我風義喻膠漆我聞發深喟聚散理須
悉勝會何可常盛筵不可必養我浩然氣癰疥疾奚恤
乘我始衰年藥物資苓朮病起邀馮公天台訪真逸再
續消寒約甲子長至日

思歸疊前韻

思歸欲賦強登樓逆旅傷春望遠愁老去酒樽輸北海

兒時詩格學西漚平生頗笑呼鷹表惡耗驚傳夢蝶周

得揚州友人詩書料得超山風雪裏尋梅有客弄扁舟聞西湖風雪甚

緊而超山梅景絕佳

簡夢華堯衢仍疊前韻

茂陵春夜病相如輕颺茶煙月上初綠綺怕彈遊俠曲

某菊部演風塵三俠新劇余未能往觀青緗留得課孫書比鄰難訪高人

躡曉南去窮巷時停長者車獨惜后山湖水隔謂散荒

江容我伴馮余

花朝感事適接少石兄和東坡遊靈隱寺詩韻依

韻寄酬

心魏闕身江湖今年花朝花信無春寒竈婢愁米珠薄
酒不聞鄰翁呼老妻已逝遺我孥蛩蛭相依聊相娛黃
梁仕宦原須與挂冠豈合朱綬紆牂牁江上有傲廬胡
爲作客一鐙孤矧復繁霜壓鬢枕戈夢不到青蒲埋
首雕蟲羞壯夫今朝悽斷朝而晡安得花滿紅氍毹爲
我點綴水雲圖淞濱棲遯十年餘弟畜灌夫兄事蘧孤
山更擬訪林逋梅鶴清趣窮追摹

遣興和答少石兄

藉甚詩名趙倚樓二分特爲寫春愁

來詩云二分春色二分愁詞中

黃絹花閒格

頃又寄江城梅花引詞

眼底紅桑海上漚幾見臘猶

遵大漢似聞禾又取成周與君袖卻觀棋手西子湖邊
穩繫舟

夢華過談三疊前韻

天人三策有誰如闕左門前識面初我檢赤囊晨治牘
君燒紅燭夜修書逢時各擊中流棹遯世同乘下澤車
風義平生寥落甚十年兄事弟呼余

春夜感事仍疊東坡靈隱寺詩韻

侯氏寨楊么湖古來爭戰無時無草菅人命珍玉珠庚
癸邊恤窮簷呼賞若羊爛罪及孥軍中婦人良歡娛蕭
牆之禍甚顛輿師旅饑饉空煩紆管樂才不出草廬他

年孤負六尺孤安得猛士死銜鬚不然學僧坐團蒲蠅
營狗苟非夫夫虞淵西望日將晡舊人半上新甌甌我
有爛柯觀棋圖交道凶終嗤耳餘何如黑甜夢遽遽但
愁無錢償酒逋杜老石壕詩重摩

園中木筆盛開適夢華過訪同至花下茗談於其
去後賦此寄正

天然妙筆寫春華玉樹臨風整復斜種柳待尋高士宅
賞花先到野人家岑苔早結同心契牆杏休嫌半面遮

比鄰杏曾是篆香樓畔客老饒何日飽殘牙
淮浦篆香樓木筆高

逾尋丈每值放時
樵使以之餉客

壽曉南觀察七十

竹王城闕矗雲起兩家生小共鄉里鎖闥聯舍接清談
翦燭論交自此始我獲一第龍飛年四上春官鏃羽還
君才宏肆薄科舉一官百里錢江邊仙舟父老迎仙吏
政拙催科勞撫字朱開河待朱公來排決克興百世利
大邑赤緊移蕭山八載宣勤二毛斑富民阜財首絲布
萬家衣被羣歡顏績成入奏乾清殿值我談兵夜張讌
喜陪坡穎話連牀哲弟筠軒
時官戶部況復朱陳託深眷六察名
注御屏風晉北蜀西又粵東桂管蒼生望膏雨郇伯黍
苗何芄芄急流退踐湖山約我舟風勁不得泊頭焦額

爛始收帆買鄰攜酒互斟酌蘆蕩花飛過短牆樓臺燈
火隔垂楊機杼經綸資主婦錢刀簿計付諸郎虞淵日
薄牂牁遠何日歸去牽黃犬元龍意氣輸君豪叔度汪
波容我徧七十古稀眾口咸深山歲月老松杉循良隱
逸游俠傳使君於此正不凡

睡起與家人茶話用少石兄湖上見寄韻

泉聲咽夢落中冷茶鼎留香篆鳥青滾滾江流誰到岸
勞勞身世我如亭南疆烽燧連三月東井光芒聚五星
入坐春風宜啜茗旂槍滋味有餘馨

喜少石兄至滬疊韻奉簡

春湖波影天然綠客路山光不斷青暫止瞻烏誰氏屋
偶拋放鶴古時亭駐顏不借金丹餌脫帽何妨白髮星
福壽三多前致祝羨君膝下有甯馨

堯衢以夜半有感詩見示依韻答之

千金酬一刻春夜發高吟詩有畫中意琴餘絃外音疏
鐙搖客夢皓月證禪心悟得窮通理入山愁不深

聞虎邱陸文烈公

鍾琦

祠宇落成感賦

五百名賢外完全一个臣草閒我偷活汾曲爾成仁北
向雲山黯南維俎豆新吉碑留識語正氣作星辰

文烈官蘇

時曾撰山塘吉忠烈公祠碑記卽有死事之語

堯衢緣適瞿氏女事有吳淞之行歸以觀海詩見

示依韻酬之並以志慨

莫使衰翁悵倚閭海濱亦有倦知廬望夫山遠成孤嶼
思子臺高感故墟愁見翠樓楊柳色好依親舍白雲居
自來節孝無軒輊何止才名詠絮如

寒食夢華枉過疊前韻

早聞博學邁林間後漢林間翁儒博學能文更喜高軒過敝廬君弔

靈均三戶地來詩云離憂我懷無忌大梁墟與作舟談夷門舊事

紙鷲風裏逢寒食幕燕春來識舊居契事明朝續蘭詠

莫教惜墨喻金如

卽事三疊前韻

高門不羨賈公閭，曲學羞稱吳草廬。
自翦蒿萊開蔣徑，還歌麥黍弔殷墟。
卽今蜀道難爲險，從古長安不易居。
聞說鄰家春釀熟，隔籬呼取意何如。

清明志感四疊前韻

卅年作客別鄉閭，孤負先人有敝廬。
萬里烽煙遲上塚，千家村落半爲墟。
德星偶聚愁羈旅，舊雨能來慰索居。
忽憶老身哀痛語，一盂麥飯感何如。

上巳招同夢華堯衢少石兄酒樓小集

老來親愛惟兄弟，亂後安甯仗友生。
三月鶯花迎上巳，

十年槐火過清明昨日清明計客禊修癸丑文應續揆

覽庚寅酒共傾夢華倡議逸社諸老今日商山留四皓

袒劉還冀得良平

偕少石兄龍華看桃花

龍華道上桃千樹半著深紅半未開前度劉郎今我似

筍輿特為看花來

依舊東風冷煖差休將人面比桃花去年憔悴今年老

揀取花枝感歲華

筇杖忘攜強自豪錫簫歡到小兒曹孫輩同遊茶棚小豎明

前味苦說今年茗價高

治春士女競燒香
舊刹新開選佛場
千杵鐘聲聞上界
七層塔影挂斜陽

晴郊芳草碧痕新
拂面紅塵總是春
底是珊珊行不得
馬頭爭擁賣花人

避秦隨地足淹留
老去簪花祇自羞
夾岸人家應笑客
白頭兄弟作春遊

少石兄示留別詩依韻奉酬卽以贈行

吳越連江本一家
扁舟歸去訪煙霞
重攀明聖湖邊柳
如見元都觀裏花
曲院鶯聲歌板急
祖筵蠟淚酒帘斜
望京遙夜依南斗
安得同乘海外槎

夢華雪程來
言京師近事

閩縣羅母曹太夫人八秩壽詩

介壽瓊筵集令辰起居歡奉太夫人庭前愛日宜孫子
林下高風式里鄰桃實祥開西母宴護花慶衍北堂春
郎君留得甘棠蔭我是章江老部民

春夜懷韓紫石金陵

沈沙磨洗戟鏃寒今日軍中有一韓金粉六朝開府建
鶯花三月故鄉看堂營綠野遲裴度我亦蒼生望謝安
最憶木爨同翦燭畫灰誰諒折衝難

三月旣望重至杭州

酒痕襟上感何如重到杭州意興舒作客怕攜吳札劍

此行弔子修 論交幸御李膺車 夢華堯 別來舊雨成新

同年之喪 塚歸去橫河有做廬不是蘭亭孤夙約撫時已過暮春

初擬遊蘭亭不果

依舊青山向我曹歸然南北兩峰高偶經石室尋三老

愁過苦廬訪二豪 宗武琴初 載酒竟違揚子宅 伯嚴招

赴不停橈能返許侯 汲侯泛舟裏湖 唐宮花事今殊昔

供奉沈香罷吮毫 西園為舊日 行

湘靈法曲付金徽更向江頭縱酒歸 文起招集 柳浪鶯

聲疏閒密桃花人面是還非山前立馬英雄老湖上騎

驢故侶稀獨有西園今夜月清輝曾照漢旌旂 湖市舊為八旂

駐防地

垂老適丁喪亂年友生兄弟一尊前乘風安得同舟濟

聽雨還思對榻眠蹇蹇有書馳北客茫茫何地是西天

三竺燒香
土女如雲九京可作梁懷孟白髮偏慳舉案緣每歲清明時節

入杭為亡
室上塚

伯嚴招飲高莊以腹疾不赴賦謝

纔送吳剛歸月府謂子修春風湖上喜逢君少年雪苑稱

公子垂老桐城續古文北極慵看朝局改南屏時有寺

鐘聞采薪未預高莊宴安得清談到夜分

寶善堂家宴將發杭州賦呈少石兄

七日忽忽湖上住杭州權作故鄉看畫船漁火頻開宴
瑤瑟湘靈喜再彈蔗境漸紓兒女累萼樓敢詡弟兄難
雞聲喔喔催明發對酒先尋此夕歡

王茂軒軍使五十壽詩

北門往事資飛將

辛亥灤州一役君單騎出險曾賦飛將軍歌紀其事

南極生朝

祝壽星綺歲經綸基石匣

謂石匣鎮逆旅中調護猶子遇困事

暮春觴詠

續蘭亭

三月生辰

衣冠第宅賓筵盛松杏山河戰血腥多難

同為焦爛客鵲橋舊夢十年醒

袍澤而今幾箇存漢南種柳感桓温鞭梢露布三千牘

桴鼓風清十六門

充步軍統領衛戍總司令

鈴略習聞司馬法醪醺

新拜養牛尊灤河父老談餘劫野草青青沒燒痕

草木淮南識大名家風渾濬雅知兵君保障北畿久著勞勩沿江行省深

盼旌節威棱早懾三邊戍巡閱熱察談笑能收五鳳城

南移謂向美使署索存晉片言王景略通天一表沈初明聞

雞越石中宵起莫使先鞭讓祖生

丸塞榆關障木蘭黑頭專閫早登壇鄂襄閣上英姿動

昔賦飛將軍歌比君與某君韓范軍中敵膽寒謂法將

為襄鄂今則名位出襄鄂上長柳煙波供嘯傲甘泉烽火報平安知非學易中年

事翼鑠還期老據鞍

立夏日即事

一春多病負看花夏令聲中感歲華避世難尋千日酒
乞鄰且吃七家茶不愁身量隨年減午間秤夏身量較上年有加差
喜書程逐日加寒甚重棉猶可著四筵紅燭鬢絲斜夜梓

怡招飲

病中謝客示夢華

門無剝啄擾清眠心遠何妨得地偏歷劫已經三戶後
養癰深悔十年前客途久斷梁炊夢病榻新參蒲褐禪
荒徑晚花慵不埽重簾領取藥鑪煙

哭子修同年

年年湖上共看山重到杭州一面慳客秋今春兩次入杭未獲一面膾

有書來陳痛苦初春來函述俄驚羽化絕追攀朋交本

在酸鹹外仕隱無慚進退閒甚矣吾衰君遽逝病措老

眼淚潛潛

海日昔年與瘦沈春朝忍過補松廬青緗自有傳經業

碧血先成授命書著有碧血錄述辛亥死難諸君子花市斜街人散後

筠清高館客來初始締交於許恭慎公京邸筠清館中買鄰縱踐湖山約

望斷橫河尺鯉魚

聞說西冷有墓田自營生壙祖塋前余廿年前於右台山營生壙君羨甚

嗣壽藏成書以報我九原師友王梁沈即用君臨萬里輶軒楚蜀

真恩誼備承天語重遺疏入有老成練達學問優長之諭約言空贖客

寮懸君閉門謝客有約言從今八月觀潮日一過花宜

十餘條懸之賓坐

館一泫然余每歲八月入杭上塚並觀錢塘

江湖君輒預詢行期而今已矣

冷泉秋襖畫圖留不道先從地下遊鴻婦賃春憶吳庶

獅兒持節重南州時無郭李孤青眼國變後責望於下

走最深愧此良友

說到開天感白頭國史預修鄉獻集豈惟詩卷足千秋

夏夜踏月喜晤沈冕士楊壽同

十日不出門薰風忽生涼藥鑪撥殘火但聞百草香後

堂闕絲竹前席罷詠觴暮春及初夏負此好時光病起

試腰腳聊逐互市場小奚隨我後匪資杖策良素月何

皎潔明燈何輝煌麟麟華轂響得得馬蹏忙衰翁那耐

此十丈塵飛揚僻尋斜橋路徑轉同孚坊輕鞭忽一瞥
障面忘攜將行行復止止二客立我旁問客何處來道
左傾中腸隱侯同舟侶楊子誼維桑好客劉賓客高閣
夜讌張嘉招吾不預酌酒公等狂側聞海天南妖星黯
五羊更上羣玉山清平置短章以上均道左所述事欣戚兩不識
聚散夫何常無爲感歧路柝聲夜未央

遣興

白髮蕭疏顧影慚十年作客滯江南獨眠早被花枝笑
多病纔知藥味甘隨意欄前看蝶翅有時窗下共雞談
層陰天氣涼如許莫學嵇生懶不堪

病起過夢華堯衢兼懷蘇戡京師

榜花零落曲江寒老向淞西拾墜歡擬訪韓康求大藥
還同正則賦幽蘭園鄰縱櫂歸休晚漢上題襟夢已殘
聞說昇仙能拔宅全家雞犬羨劉安

三月既望偕夢華堯衢同來湖上陶在東諸君招
飲高莊余未能赴也歸已浹旬作此寄謝仍疊簡

伯巖韻

鶯花寂寂尋三老

西泠印社
視三老碑

風雨瀟瀟詠五君天寶幾

人知舊事永和一序感斯文

在東以高莊禊飲
坐上諸老詩見寄

酒痕杭

郡猶堪憶棋局長安不可聞勉與羣公申後約湖山秋

邑要平分每歲八月湖上觀潮

高白叔中翰重宴鹿鳴詩以酬之

鄉飲逢周甲多公享大年載賡萃燕集回望桂蟾圓樺

燭連花燭上年重諧花燭賓筵啟壽筵莫云科舉廢佳話虎林

傳

昔歲官江左笙簧宴沈劉丙午撫蘇曾奏請以浙紳沈君偉田蘇紳劉君翊宸重宴

鹿鳴沈丙午劉甲辰舉人幾經龍漢劫重唱鹿鳴秋造士誰青眼白

受知於張糊名吏白頭簪花鬢舍裏一老獨風流棘院

文襄之洞行鄉飲酒禮於明倫堂上

雨後過曉南寓廬疊前韻

雨後園亭夏亦寒
茶煙清話故情歡
臨風濯濯舒眠柳
改火愔愔過浴蘭
策杖不嫌雙屐滑
觀棋早惜一枰殘
江湖滿地無甯土
浮海吾思管幼安

俞君實方伯挽詞

同揩老眼望觚棱
重話西窗病未能
逐鹿場中慵作吏
以沐藩致仕破山寺裏好尋僧
擬邀鄰叟愁聞笛
憶治官書共翦燈
夏夜沈沈涼似水
海天寂寞哭良朋

仲夏三日爲余初度
夢華同年先期功德林治觴
卽席賦謝

倏又逢初度
煩君預舉觴
已成多病客
羞逐少年場
獻

佛花含笑憂時斗共望論交勞弟畜早謝灌夫狂

節候寒如許朋情淡倍真敢希無量壽來函有預祝無量壽之語同

是未歸人茸美休尋鹿王茂軒遠饋關茸蔬甘當孽麟佛緣談

現在珍重未來身

午日即事

江深草閣午風涼艾綠榴紅祇自芳勉賦祈招學謀父

日前曾密陳一疏諫阻巡幸驟聞鄰笛愴山陽適聞錢幹臣卦電一年將半

仍為客百病能除苦憶鄉黔俗端午出遊謂能除百病慚對伯倫新

釀熟臨觴無復次公狂劉鏡清招飲

壽齊照巖中丞

星輝南極發光芒福曜欣同夏日長
護室萊衣朝問寢
萼樓姜被夜聯牀湖濱載酒情尤渥
漢上題襟夢詎忘
甲子中元開壽字鶴飛遙晉九如章

壽夏劍丞五十

黃絹新詞絕妙才西江書種舊根荄
瑤觴合晉菖蒲酒
珊網曾搜竹箭材艾服一官緣母養
蒿深三徑爲君開
延年宜奏南飛曲遙向孤山放鶴來

晤顏相士談余生平所言皆驗至謂曾入翰林殊
非事實又云壽過涓濱一老則固求之不得者也
戲成二截紀事

凡才自忖無仙骨
忽被人呼作翰林
觸我滄桑身世感
白頭那復夢華簪

名場久已平三險
生佛何曾福萬家
鎖鑰北門慚位業

釣竿東海識津涯
均述相士語

上海紅十字會二十年紀念題詞

歐風東漸作南鍼
二十年來惠澤深
朝市已非陵谷改
不將好善易初心

丙年使節移江左
親見羣公救世才
今日天人徵會合
別風淮雨不為災

救死扶傷更恤鄰
盎然生意滿春申
曾為坐上焦頭客

忽作旁觀袖手人

天中後九日堯衢同年招飲賦謝

纔侍馮公宴初二夢華招飲功德林豬肝又累公風梳衰鬢白波

泛醉顏紅坐上看花客山中採藥翁余多病雙修還致祝

吳廡識光鴻下月初吉為君七十有二雙壽

官道依依柳題襟憶漢南問年融過二對飲李成三兼謂

夢華矍鑠公真健疏慵我未堪舊交新齒錄促席接清談

同席十八共得年六百三十三歲

答和肖雅觀察

倦鳥慵飛憶故棲天南何日罷征輦雨晴失節消寒煖

新舊逢人雜笑啼避世幾曾知漢魏辦裝終擬到秦稽
滄江卧病才情減慚少佳詩和夏倪

寬仲以詩見懷依韻奉酬

皤皤古稀叟生日罷稱觴早奪談經席慵參選佛場高庵

招飲功德林佛寺君已先期入杭一樽難對影二水遠相望浣誦宣城

句低頭未敢狂

君本襄陽孟吾慚賀季真勉希三詔客莫副九分人露

警時聞鶴雪緣思仿麟曾仿麟見亭鴻雪因緣六朝金

粉地珍重百年身

夏日遣興

陳樓高百尺中有讀書屋樓外灼灼華深紅界淺綠插
架萬卷書四壁小天祿尙論友古人幽栖遠塵俗適聞
鄰寺鐘齋堂知飯熟吾竈匪生塵一飽萬事足偃卧斗
室內繩牀搖夢轂西晉王母桃南倚湘妃竹晨載鴟夷
舸夜奏霓裳曲覺來仍故吾狂笑爛柯局展我水雲圖
鴻雪見亭續編我壬癸詩過眼滄桑錄嬌孫喜入抱愛
憐等舐犢侍妾解添香小袖雲藍束衰翁病初起濯魄
試新沐夏日亦何長松風鳴謾謾挂冠早歸隱蝸角謝
蠻觸天理晤循環世事紛轉燭善保不羈身摩空健鸞
鶴好雨知時來頓洗暑蒸溽雨過晚涼生斜陽挂林木

六月二日花近樓午宴為堯衢同年祝釐詩以侑
觴並懷夢華同年寶應

南來瑤曲奏薰風頃刻涼生四座中覽揆適逢天貺後

初七生日論交應與古人同鶯花戰地難為錄席罷擬同觀

新劇未果雞黍田家愧不豐邀月夜還期影共飛觴遙醉老

馮公

越日堯衢以詩見示仍依韻賦答

八秩祥開始先期為奉觴新芻謀一醉樺燭共三場昔

夢回頭溯中興老眼望鳳兮千仞立歌羨接輿狂

高會徐園集鬚眉妙寫真席間出癸丑六月二日徐花

園雅集圖與諸老同觀

間開八座集共八人月下感三人圖中如子修子封菊坡均

嚴靜庵世有千年鶴公如獨角麟雅集時堯衢在長沙未預斯會厥後承題

七言長句獨有千古長令松夏健善保後凋身

奉和堯衢同年自壽詩韻

劫後餘生客裏過輪因膽氣未消磨幾人商皓鬚眉古

兼懷夢華寶應伯嚴杭州三祝華封福壽多行見上尊賜張禹也如

老將重廉頗延齡合晉南薰曲琴撫鶡微鼓奏鼉

夏夜卽事疊前韻

月下逢君載酒過晁士抱初燈前還憶敬新磨適接北

長星勸飲難爲醉舊雨能來豈在多偶證禪心參漸頓

誰從物理悟平頗勞人草草吾滋悔疲矣津梁漫駕鼉

得曉南京師書感賦三疊前韻

匹馬天街忍再過殘棋慵著劍慵磨新亭舉目河山異

故國傷心涕淚多敢謂禁中需李牧早從座上識黃頗

唐書頗與盧肇同鄉里能作韓愈之文聞雞我自戈橫枕數盡更聲夜和

鼉

六月十六日為先光祿公忌辰辭世忽已六十甲

子僧寺諷經敬述以詩

童齡就傳廢吟哦六十年間一刹那幸有遺書留手澤

祇因薦福禮頭陀王師江表知傳檄彌留時思歸頗切頻問長江消息而

金陵適於家祭中原望渡河世局日非中興莫卜家祭慚無以告八歲孤

兒今老病聞雞空梳枕前戈

雨夜有懷夢華白田即用其和答詩韻

雞鳴遙夜雨兼風訪戴還思入剡中笑我生涯堂燕舊
知君心事海鷗同羣空冀北臚名早米賤淮南祝歲豐
何日重回申浦櫂預留樊榭待山公

壽楊子勤太史

滄江一卧歲華徂重點朝班地望殊晨視花輒趨禁籞
晚叨蓮炬送歸途十朝文獻留詩史六代江山感霸圖

今日壽筵秋讌集養牛尊酒錫天厨七月一日生前集

肖雅饋荔枝詩以謝之

遠郵早罷川西貢飽啖曾稽嶺表遊忽發方紅三百顆

八閩風物一籃收

荔枝以閩產為佳

渴疾相如我未堪竭來舌本頓回甘浮瓜沈李南皮會

雅俗何能共一談

世味鹹酸百不聞宦情薄薄似秋雲折腰甘作楓林長

一騎紅塵轉餉君

閩荔枝以楓林產為無上上品

懷林詒書京師即用其見寄韻

汴洛昔年尊祭酒長安今日似殘棋下泉不少苞稂穢

遠道還縈唐棣思白和元詩哀作集

花近樓六編刊成多逸社唱酬之作

和傳范鉢本稱師論書為其房師子橫街舊是郎潛地

桑海依稀又一時論書南橫街寓廬與余前官京曹所居地相近

絲染無端觸墨悲何如柯爛但觀棋泉刀白水真人讖

門巷烏衣故主思棲隱我曾招謝客晝眠人盡識邊師

論書喜晝眠詩以調之傳聞三絕傾都下可有寒氈似舊時兼懷蘇轍

初秋日肖雅以七十自述五言長古見示余未能

和也率賦一律為壽先寫寄

劫餘先後謝朝蓂幸不逃禪共一龕松柏宜年融過二

君長余蓬蒿滿徑蔣開三閒來遺事談天寶著有平老齋雜記

去新詩似劍南庾嶺梅花吳苑柳謳思持較召棠甘

聶璞庵軍門遺墨文孫榕卿大令屬題

露布曾聞下馬馳長才文武信兼資經過壁壘論兵地

余舊官

淮上想見雲煙落紙時一夢生花留綵筆十年種樹

茁孫枝傳家不數弓衣貴珍重楹書好護持

成節母七十壽詩

茹荼辛苦蔗甘初慚未登堂問起居石爛海枯完婦職
機聲燈影課兒書千秋歐荻標彤管八座潘花奉板輿
今日瑤觴娛壽母喜看斑綵耀庭除

陳荔汀觀察六十壽詩

九月十五日

十載同舟道不孤一官淮上又三吳龔黃報政循良傳

羣紀承家世系圖菊酒芳尊開北海
菹鱸秋興滿西湖
紛紛蝸角爭蠻觸
老眼觀棋未覺枯

郭春榆同年七十壽詩

豈料滄桑到眼前
白頭何日話開天
龍飛恩榜羲黃世
同譜恩恩五十年

青瑣朝班夜嚮晨
幾回溫室樹生春
三賢俎豆三忠血
正氣扶持筆有神

偕隱齊眉有孟光
絲綸餘緒付諸郎
幽州日色今猶薄
南極星輝應壽昌

黑貂猶賸舊朝衣
老戀觚棱未肯歸
佳句古稀吟杜什

才公心迹古尤稀

八月十八日亭秋夫人忌辰焚寄

鬢絲禪榻牧之病盡篋金釵元九詩今日江間風浪惡
潮生潮落許多時

樹樹棠梨繞殯宮聲聲鼙鼓動秋風燈前重檢庚辛記

轉徙無忘患難同

時正編夢蕉亭雜記述庚辛事甚詳

兵氣連江作陣雲殃魚失隊雁呼羣白頭又見崑岡火
地下長眠轉羨君

種蘭留得證前因玩月還思認後身清酒薦君無別語

夢中休損玉精神

前宵入夢形容甚癯

和答肖雅

安得銀河淨洗兵紛紛鷓蚌尙相爭空憐浩劫千村燼
忽發高言四座傾鶉翦胡爲天竟醉雉罕還憶我初生
灞陵舊尉如相問慚愧將軍李北平

壽劉聚卿京堂五十

九月初五生

皖江一水鍾靈地筑國三秋造榜天我附賢書君覽揆
相逢或恐是同年

門巷烏衣說謝王扶風更羨白眉良虞淵捧日心猶壯
身際光宣憶順康

偕隱歸來尙黑頭楚園花木足風流衣冠第宅今何世

冷眼觀棋五十秋

連江烽火滯歸航
斵睡誰臨卧榻旁
莫歎生朝逢亂世

開筵先醉菊花觴

肖雅饋龍眼賦謝即用其見寄韻

玉樹鍾靈品不常
宛如家世豔金張
珠聯比目龍增價

錦綴同心鳳卜祥

吳俗以錦飾龍眼成雙堆盤纍纍為兒女送妝之用名為喜果吾鄉亦然

啖其荔支來嶺嶠
貢偕橘柚達維揚
回甘老境承嘉錫

酒薄蒲桃但腐腸

懷琴初杭州

烽火照庭除
幽人自隱居
山前誰立馬
湖上莫騎驢
冷

眼但觀奔科頭還讀書祇愁生計絀米價近何如

去歲喪嘉耦今年哀鮮民劫灰原上草藥裏客中身又

屈題餽節曾無送酒人憐君更憐我等是避黃巾

杭非樂土

崧滬亦正苦兵

杭州不靖汲侯久無書來作此寄之

客歲全家出如何今不來干戈無日已懷抱幾時開赤

幟親朋影

嘉定廖君時徐子山持紅十字會旗出險來申

烏衣弟子才

君與廖徐均王

謝世家

橫河舊門第切莫委蒿萊

重九日與曉南約同雪丞子質伯嚴堯衢寬仲壽

平古微病山一山少石兄浦江酒樓登高即席賦

詩兩章呈諸老教

喜無風雨阻清游忍見烽煙接素秋
頻歲西湖曾載舫今朝黃浦強登樓
豐年米價淮南貴遠道軍書薊北愁
多病適逢多難日樽前菊酒漫相酬

憑臨百尺氣猶豪俯視江流捲怒濤
灞棘兒曹原作戲

茱萸兄弟此登高酒壚舊侶懷嵇阮
十年前哈園作重九與止庵乙庵濤

園賦九煙閣英姿憶鄂襄
報載王懋軒軍門朝陽之事佳節卻從愁

裏過蕭疏白髮首頻搔

和答肖雅感事三首

仙霞高百尺險邁蜀陰平
倉卒成俘虜艱難負友生
鐵

鎔江上鎖冠絕戰時纓輸與留皮豹千秋有令名
漁陽鼙鼓急不是中興年便擬山歸馬除非海變田老
懷何日慰私忿幾時蠲又見昆池火臨風一黯然
市近心俱遠無嫌知我希酒緣多病減髭爲苦吟稀蹈
海言猶在移山計已非羨君詩筆健咳唾落珠璣

閱京師甲辰門人廿年春團紀念圖册感賦一律
並以舊藏甲辰梁園公讌圖寄之

榜花飛徧洛城中重譜霓裳曲未終五老鬚眉慚北斗

公讌圖中前方坐者五人爲長白裕文慎德長沙張文
達百熙元和陸文端潤庠南海戴文誠鴻慈余以豫撫
充漢知貢舉預焉滿知貢舉長白熙閣學瑛因病一門
未至後方立者乃承乏內外闡事河南司道各官

桃李戀東風厄年在已人安仰
二十年來總裁已下世 雌命逢
 辰道豈窮歲晚滄江余卧病昇平位業望羣公

與曉南夜話

笳鼓聲未歇燭花落茗瓊不嫌情話長
 但覺更漏短踏月賦歸去苔階清露滿

壽周穉香太守七十

時寓如皋

新詩盈袖酒盈斟晚節黃花證素心
 垂老豈知王氏臘歸裝早薄陸生金
 此翁避世伴巢許有子傳家慰向禽
 留得古稀多歲月買鄰水繪好園林

壽呂文起太守七十即寄温州

靈貺集嘉辰身世凡三隱人爲物望歸家與天台近少
年隱於士遜志務時敏子將舉孝廉月旦評惟允中年
隱於官閩海作大尹黃堂卽綠野五馬絕塵靴晚年隱
於商逐末寓孤憤班書讀食貨遷史注平準厄運逢陽
九樓市嗟海蜃魯連善解紛眾怒歸一晒聞名廿載前
識顏漢臘盡浦江沸管絃西湖共櫻筍春來預有約雁
宕凌秋隼可惜大龍湫阻兵負導引古稀值陽月誼接
朱周軫曉南釋香本年均七十遙知綺窗下梅花開笑覲祝君松
不老一霎薄朝權善葆後周身肯受雪霜隕有婦光儷
鴻有子衰啟盾臨風道阻修飛觴醉喉吻

子質同年將返杭州以詩告別作此留之仍疊前

韻

回首蟾宮是舊游杜陵老去易悲秋同為黃浦客中客
獨憶西湖樓外樓世事如棋驚換劫江波似酒不澆愁
時非長慶人元白喜有新詩互唱酬

僧清何敢鬪韓豪聊復攤箋寫薛濤秦嶺回看眾山小

陳樓未覺下牀高功臣閣上資文武子質前以贛臬超擢廣東提督有兼

資文武野史亭中寓貶喪近作夢蕉亭雜記願作平原

留十日蠓螻對飲爪頻搔

肖雅過談感賦

纔見河山以賄終

承示納賄歌

俄驚鼙鼓動秋風
盧循戰艦

橫江上侯景潛師入禁中
斬佞似聞收董偃
納降畢竟
誤臧洪章民制藝平齋句
千古傷心幾箇同

感事和肖雅韻

九華春殿侍宸游
忽漫風雲接素秋
攘臂誰爲劉氏袒
埋頭空抱杞人憂
虹芒貫日翻三海
蠟淚和煙散五侯
養士百年甯望報
濁流幾輩溷清流

壽王雪丞廉訪八十

八十老翁廣大主意態
雄傑鬚眉古越中
早薄陸生裝
吳下還寄伯通廡
家世瑯琊大道王
萬里橋西一草堂

聽雨牀聯坡共頴哲弟能文凌雲席奪馬兼揚高名秀孝屈

為宰六察一麾治譜在官符捷於下水船江漢滔滔到

南海南箕張口夫何嫌德怨由來毀譽兼子文仕已不

在意仰視浮雲笑拈髯從古知臣莫如 帝屏風記注

天顏霽嶽嶽秋稜肅柏臺融融春盎舒梅砌壽辰在觸

蠻角鬪鷓蟀忙閒從物外閱滄桑錦官回首家何在冷

眼他人卧榻旁清風兩袖百無有不得其祿得其壽孔

門雅擅四科長君為張文襄高弟蔣徑時延三益友十丈旄頭

入斗躔九邊烽火達甘泉何當拜賜養牛酒重覩雍熙

太平年

酒樓與琴初夜話卽送其之燕

袒筵紅燭侑芳樽襟酒餘痕和淚痕白髮開天談不得
我心隨汝到修門

重游徐園棖觸十年前與夢華諸同年雅集事並

請雪丞古微題句

看花又作徐園客回首當年雅集圖曾醉壚邊呼某某
幸留紙尾著區區孤芳避世希巢許佳句驚人哭沈瞿
圖中止相乙庵均有 題詞惜下世已久 傳語朱王兩詩老興酣落筆莫踟
躕

得琴初京師書志憤卻寄

白雁聲中帶苦辛
開緘惟有淚沾巾
忍看熒惑入南斗
誰勸長星拱北辰
閩外鞅鞅違少主
籬邊落落寄他人
渟沲麥飯蕪羹粥
調護深慚老大臣

長至日感懷再疊前韻

雜事何堪續祕辛
澆愁惟酒漉陶巾
鵠心鎮日空餘淚
龍尾多時已伏辰
二至遞更長短節
九流強半下中人

鷓首未可方雛鳳
喬木森森感世臣

逼宮者為故相子孫

長至後二日花近樓讌集簡坐中諸老三疊前韻

攄詞何敢鬪蘇辛

志憤之作夢華子質均有和章

促席同看有道巾
好

借珠盤增壽算

合席十二人以珠盤計之得八百五十九歲

預撾臘鼓作生

辰後二日爲臘月初二乃間關尙有北來客蘇轍甫流

寓都爲南渡人相對一樽慚綠蟻輸他列陣識君臣諸

七君同爲一歎

感事四疊前韻

直諫不聞上殿辛救時無相著綸巾
嗷嗷鴻雁呼庚癸起起龍蛇厄巳辰
入破家山如此曲出爲霖雨彼何人
麻鞵閒道初心負草莽臣非市井臣

嘉平朔日作五疊前韻

隔年料理歲盤辛早脫朝冠換角巾
共說漢家猶有臘獨行周道不逢辰
奠階失序翻新曆本月大小建未能一律
葭琯

消寒謝故人消寒會緣北事作罷蹙蹙四方安所騁泥中俯首作

黎臣

臘八日費梓怡觀察出示明賢詩社圖卷并題句

依韻答之

觴詠風流緬昔賢鬚眉一一畫圖傳姓名爵里分明在

遺事休尋野獲編圖舊有二今併為一共二十四人首謝公廷循終呂公文英著名者若陳

公循李公時勉楊公士奇楊公榮李公夢陽吳公寬閔

公瑾呂公紀為安邑舊物復歸番禹黃蓉石比部海甯

陳香泉錢塘陳雲伯戴醇士南海

陳蘭浦諸人均有題跋費詩極佳

逸社徒存感舊詩黍離行邁我安之衣冠幸不挂神武
想見皇明極盛時壬子後滬上特開逸社中如瞿子玖協揆梁節庵少保沈乙庵鄒紫東兩

尚書沈愛蒼中丞吳子脩學使均已下世存者馮夢華
中丞朱古微侍郎陳伯嚴吏部王病山侍郎雪丞廉訪
余堯衛京卿章一山太史與家少石兄及余
聚散無常吟詠久輟展讀斯圖爲之憮然

殘餘漢臘湖高光獻佛空憐豆粥香前聞上幸日館

奉萬金爲賞謂卷中題詠香泉 齋館役之需雲伯蘭浦諸君 輸與吾宗盛文藻 遞荒

如我泣栖皇

甲子臘月雪後半淞園題壁

鼙鼓聲中臘鼓催臨流依舊草堂開十年走馬看花處

一老騎驢踏雪來落日亭臺江上影孤煙墟里劫餘灰

何人錯鑄井州鐵翦取吳淞是禍胎

衣帶盈盈一葦杭吳姬越豔鬪紅妝隄臨板渚空流水

塔圯雷峰賸夕陽潮捲天風沒羅刹火炎玉石失昆岡
南朝煙雨西湖月肯把歌場作戰場

兒戲紛紛灞棘兵寂寥空憶亞夫營聊乘九日登高興
重九黃浦登高與
諸老唱和有詩不斷千家野哭聲縱火蓋纔趨赤壁

裏氈艾已下陰平弈棋奚止長安似莽莽河山戰一枰
鐵鎖雄關四扇開迴戈何意夜銜枚摸金校尉皆厮養
跋扈將軍是秀才賣履分香他日恨青松紅杏昔人哀
涼州博得殊無謂一斛明珠付酒杯

甘泉烽火警雞人九陌俄驚玉輅巡賴有客卿堪適館
似聞天子竟蒙塵啼烏忍對王孫泣射虎愁遭醉尉瞋

歷盡漢家猶守臘宮花宮草又逢春

貔貅十萬杜鵑橋人事天心互長消運去幾成韓侂胃
時來疑是霍嫖姚驅狼失計還迎虎鳴鳳將雛忽變鴉
獨怪投戈先佞佛西山爽氣日蕭條

追原禍始罵朱三多難熒熒恐未堪害馬有羣馳冀北
化龍無種過江南窟營狡兔謀誠拙星曜貪狼德已慚
再起東山望安石莫將法語入清談

卧病荒江夢紫宸平明騎馬鳳城闈翩翩不數四公子
斷斷終推一个臣都講有時尋島客會盟畢竟首王人
毋忘文母簾前語麥飯清明念老身

軍容漫詡火兼茶黨派紛呶禮教拘聚米何曾嫺武略
焚香還欲拜文殊論才似舅慚無忌把臂呼兄負伯符
持較漢廷程不識身名值得一錢無

江山非復舊家邦重到新亭客意懣勉以同心期郭李
緣何私怨鬪孫龐入吳潮落星三兩歸趙城完璧一雙
枕上橫戈吾老矣聞雞強起剔殘缸

海上雲霞曙色騰三山回首望觚稜辨才誰似陳同父
奔赴吾慚杜少陵感逝愁看遺挂月聞歌欲碎唾壺冰
四方蹙蹙今何世花近樓高偶一凭

南內淒清遇舊伶張徽一曲雨淋鈴問安隴上呼鸚鵡

急難原頭喚脊令隆武豈真成末日建章曾記數疏星
哀絲豪竹非吾意莫遣江花唱後庭

紫髯突過黃鬚兒錯認中原起赤眉十面鏖兵殲楚項
三年拜賜報殺尸始看黃海揚塵日終見綠江洗甲時
曾是發祥根本地稜貂應早貢坳螭

獨攜一劍上崆峒不識人間阮籍窮齊女有情覆手雨
蕭郎無語打頭風洛河理數機終祕唐宋文章體未工
霜鬢論兵慚將略卻從末路惜英雄

三輔重披舊日圖早從燕市訪屠沽斗方名士多如鯽
蒲戲豪奴半牧豬蹈海誰爲魯連魯移山空笑愚公愚

賜秦鷄翦天胡醉慚對辭封五大夫
胡越同舟水漫橈巢居那復辨鸞鴉槽頭儘許容三馬
臺上居然鎖二喬避面尹邢工作妒打頭胥種暗生潮
營營一飽爭雞鶩塊壘惟應借酒澆
瞥見當頭月似銀盈盈三五證前身聞鶯鼓舌難求友
代虎謀皮恐被瞋假道虢亡虞不臘借才晉用楚無人
留芳遺臭皆千古逃聽鐘聲夜嚮晨
突聞鐵騎遍徐方行見單騎入建康堂築鬱金非少婦
花開穠李笑三郎新詞白紵歌楊頓舊巷烏衣問謝王
海外歸來曾幾日好煩青鳥報扶桑

餘生分作太平民門火池魚信有因草澤狐鳴資勝廣
花村犬吠累朱陳捉人老嫗供炊黍上坐嘉賓鑿徙薪
望祭中宵聞鬼哭沙場白骨化青燐

萬方多難客安歸坐看孤雲懶不飛十二年人事改
七千里外雁書稀黃壚酒伴豪情減青瑣朝班舊夢違
鴻爪今朝留雪迹他時重認是耶非

臘月望後曉南觀察招飲麥邊花園得句呈教並
示博泉世講

十日已見三番雪絕地天通一色白朝來晴旭射檐端
剝啄忽有打門客朱叟舊是忘形交挾我驅車泥城坳

廣場足會千人食牛心炙美傾蒲桃爲探早梅尋石罅
喜見餘雪猶未化忽看西北起高樓霧曠雲窗簾不下
此地當年地主賢大扁西來憶麥邊舊迹半湮新構起
旖旎重開跳舞筵錦幃繡柱列坐次中有萬壽無疆字
細審識爲圓明物劫火不燒此移置與叟相對各潸然
多難回首庚申年庚子一蹶又辛亥血濺津橋哭杜鵑
十載閉門窮海市嘉招又荷賢喬梓安得一醉學泉明
無懷葛天皆我氏臘鼓催人歲欲闌潮生潮落夜漫漫
介眉春酒先料理賀正還佐五辛盤

東坡生日有感賦呈少石兄並簡夢華堯衢兩同

年

去年今日祀東坡今年日月奔如梭尺樓列几薦清酒
安得醉使公顏酡長公避兵遠適我苦持戒律輟吟哦
馮余同是憂時者相對無語涕滂沱我熟辦香爲公壽
陳辭諒不遭譴訶公之命宮感磨礱富貴一場春夢婆
要其生際邳隆世道揆法守森條科荆舒執拘變新法
卒難改置舊山河國門縱鑄黨人石郊墟不賦麥秀歌
我生之後逢喪亂寶鼎潛移一刹那 冲皇虛位十三
載法官端拱空巍巍邇來熒惑犯南斗虞淵望斷魯陽
戈芒屨誰似杜陵叟延秋門上烏集窠公氣如神亘千

古我慚不死徒媵媵眼看桑田變滄海遭時較公尤軼
軻瓊厓尙是趙家土思肖畫蘭傷如何迎神合奏鶴飛
曲獨絃哀厲非春和詩成質兄並質友凋年急景客中
過夜深呵凍寫禿筆三九孤負玉梅柯自聞北耗同笠
罷消寒之會
展圖陳再頓首只愁白髮年來多

詒書以徐園賞雪詩見示率和奉酬

不辭三徑沒蒿萊且喜瓊英六出開地絕紅塵天狡獪

詩嚴白戰客徘徊梅花冷豔藏金谷

曉南招飲麥邊花
園園內梅花初放

柳絮清吟感玉臺

吳下元日賞雪與
內子唱和有詩

勉和逋仙添韻事

雪園且醉手中杯

夢華贈淮儼野鳧賦謝

淮南膏餽脆於酥金紐堆盤伴錦鳧寒具不妨登畫史

野殺終覺勝官厨綠樽勸客嘉同拜

譚芝雲胡宗武在坐即以餽之

白

髮論交道不孤更欲從公詢米價昔曾分惠到區區

上年

承贈淮上香稻

以蘋果葡萄乾贈夢華媵之以詩

蘋婆果綠葡萄紫秃筆難工詠物詩持獻煩公編食譜

茶餘飯後恰相宜

尋常投報入詩篇饋歲還思玉局仙不論瓊瑤與瓜李

忘形交誼亂離年

除夕放歌用東坡生日感懷詩韻

守歲賦詩追髯坡。虬弄笛非龍騰梭。臘酒味薄強爲醉。
老病難令衰顏醜。閉關萬事不攪慮。結習未忘七字哦。
神武挂冠又十載。頻年栖遯江之沱。日市羞偕駟僮伍。
夜獵怕逢醉尉訶。偶過鄰僧話殘劫。或夷或塞皆優婆。
佛云可說不可說。持較儒理甯殊科。一自四維解綱紐。
若翻溟渤決渾河。恣睢競發平權論。慷慨誰留正氣歌。
憶昔卽潛萬人海。鎬京全盛慶有那。鋒車按部五行省。
奉使恨不到岷峨。榻來聞雞倦起舞。枕上空橫越石戈。
趙家那有乾淨土。邵氏難覓安樂窠。全軀忘國數百輩。

如張禹者但媵媵圖秦何恃恃七首所惜燕市無荆軻
紇干凍雀作哀語望帝聲聲喚奈何子遺獨守漢時臘
焉知世變成共和黑貂雖做猶在笥朝正珂馬夢中過
燼落斗斜永今夕雲霞曙色升庭柯三復坡詩續長句
心事蹉跎百感多

心清氣爽百無憂

樹影扶搖下冷金
夕雲散盡日長陰
秋風吹散三秋暑
萬葉初涼綠草深

微風吹散暑氣清
夕雲散盡日長陰
秋風吹散三秋暑
萬葉初涼綠草深

清風吹散暑氣清
夕雲散盡日長陰
秋風吹散三秋暑
萬葉初涼綠草深

清風吹散暑氣清
夕雲散盡日長陰
秋風吹散三秋暑
萬葉初涼綠草深

花近樓詩存七編卷二

貴陽陳夔龍筱石

乙丑集

元旦試筆簡夢華堯衢

履端春靄集門庭天許延年帝錫齡眠起不忘人柳

殿是非都付夢蕉亭

夢蕉亭筆記適成乞夢華作敘

東山若賦愁零雨

聞不日東巡狩北極回看共眾星垂白題紅何所祝條風先上

御書屏

新正二日花近樓讌集譚芝雲觀察卽席賦詩率

和奉酬卽用其韻

鶉賜休詢醉後天春回仍用漢家年恰逢舊雨臨江上

芝雲宗武避兵由甯來滬暫居忽憶客星近日邊上出狩日使館萬縷煙悽

宮柳寂一枝雪豔嶺梅妍承贈老梅兩盆綠樽聊共花間飲羸

得愁情被酒牽

人日口號

新歲逢人日春江特地寒連城苦兵火莫作去年看去年

人日余在杭州為大兄預祝極絲竹管絃之樂

是日聶榕卿費梓怡招飲卽席賦簡用漁洋人日

登真州天甯寺浮圖懷李退庵侍郎韻

醉筵覓得避兵方江浙戰事未已燭影搖紅鬢影蒼檀板清謳

繼韶武榕卿精樂律錦囊佳句敵錢郎梓怡能詩吳姬載酒船通

越楚客招魂水隔湘席閒談左子異歸櫬事人日草堂增故實夜

光杯底話沙場得之將往戰地籌辦紅十字會

壽詒書卽送其北上正月九日生

純嘏如公錫自天稱觥端值試鐙前買春寂寂先三日

十二立春為客恩恩又一年喜見諸郎成仕宦暫依佳壻作

神仙用梅福事北歸謁帝詢安否心逐星槎到日邊

偕大兄麥邊花園看西人跳舞疊年字韻

歷盡紅羊劫後天白頭兄弟感華年記曾人日經花下

忽漫春風度麥邊軒鶴迴旋翎絢采鏡鸞離合羽爭妍

陸堂夜宴堪追憶海舶西來錦纜牽

往昔津署信陸堂春宴西士女咸集

寄懷胡琴初京師三疊前韻

得傍城南尺五天莫談陽九是災年詩吟病裏兼愁裏

琴初憂國忘家夙疾甫愈近以元日詩見寄

春在梅邊與柳邊

本日立春慣著麻

鞮追杜老苦拈綵筆鬪江妍

爭議恢復優待條件由琴初起草

虞淵挽

日干鈞業全局還憑一髮牽

十三日慶祝

聖釐偕海上遺老於花近樓排班

行禮用少陵每依南斗望京華句成轆轤體詩五

首

每依南斗望京華鳳籥更新景物嘉三殿通明迎旭日

九天紉縵綯晴霞願呈益地開王會豈賦蕪城作帝家

錫嘏讓春先一刻

昨日立春

廿齡締造福根芽

流轉江湖歲月賒每依南斗望京華含顰長樂宮中柳
解愠宜春苑裏花寶籙東皇頌鳳曆瑤觴西母降鸞車
逸民竊效封人祝福壽多男不厭奢

試鐙紅透舊宮紗弛禁金吾笑語譁曾卧北門慚鎖鑰
每依南斗望京華伶倫截竹鸞笙奏侍女催花羯鼓搗
重向春明溫昔夢早朝先集上林鴉

負展三宣坐賜茶延秋一別卽天涯淋鈴曲憶張徽奏
障面塵羞庾亮遮徑欲東征綏士女每依南斗望京華

致身稷契談何易不著麻糝計已差

龍顏日角畫圖誇

行禮時恭設容於花近樓上

御

燭穗爐香篆影斜

青瑣班行誰首列白頭閒坐發長嗟陳書敢附曲江鑑
奉使虛隨博望槎梅柳渡江曾幾日每依南斗望京華

立春日作

中元甲子歲朝春贏得烽煙徧海濱玉瑄回韶年在乙
旬盤循例味逢辛慵為洞口觀棋客已作漁津曬網人
劫後晴郊芳草色燒痕經得幾回新

十四日宗武招飲卽席賦贈四疊前韻

綺筵剛及試鐙天垂老偷閒學少年簫鼓競聞喧五劇

旌旂忽報動三邊

奉軍紛紛來滬瀆

樽前燭淚親朋影

曉南抱初鏡清

芝雲

坐右花枝姊妹妍

某校書姊妹生長秦淮避兵來此

還憶秦淮今

夜月柳梢初上客愁牽

元夕卽事

開鎖千門擁道呼年年弛禁說金吾聞鐙見月兒曹事

牽牽無端到老夫

廣場十里淨無埃南北層樓隧道開閱徧清歌兼妙舞

一條瀑布破空來

連天烽火徧江南鐙事誰從日下探聞說移宮三太息

內家今夜罷傳柑

開天往事付霓裳閣道淋鈴總斷腸彈罷臨江驛亭曲

如聽盲女唱中郎某菊部演開元遺事及臨江驛新劇

催詩律令急於雷火樹銀花費翦裁我愧利貞無好句

上元絕唱屬蘇崔謂夢華堯衢唐景龍中李利貞與蘇味道崔湜同賦上元詩並推絕唱

燕九節北望五疊前韻

太虛宮觀白雲天回首東華四十年法界香花分左右

上清鐘鼓徹中邊錦衣寺監靈爭乞白髮神仙老更妍

京俗謂正月十九會神仙觀中老人堂道士有年逾百歲者衰病又逢燕九節舊遊

不覺夢魂牽

遣悶六疊前韻

一局閒棋橘裏天
鶴歸雪後語堯年
圍腰太瘦應憐沈
筍腹難便敢笑邊牛
李同朝成水火
燕環異代鬪媿妍
何如上蔡佳公子
黃犬東門信手牽

讀丁文誠公政書感賦七疊前韻

劫灰重話故鄉天
感舊還思入蜀年
令尹毀家緣辦賊
贊皇移鎮爲籌邊
廟留竹國蘋堪薦
花滿蓉城錦倍妍
更有明湖前種柳
萬絲煙雨總情牽

戲簡芝雲八疊前韻

雁叫衡陽別木天
浮雲富貴數流年
人來朱雀長橋畔
家在青龍古洞邊
列架水仙樓共綺

芝雲往在衡州與王湘綺太史文賦

水仙酬唱極數近
復示詠水仙詩
渡江桃葉檝生妍
宦情已薄商情慣

服買車牛任客牽
近歲屢權關稅商情悅服

亡室丁蓮漪夫人生日感賦九疊前韻

煉石無從補漏天
遣悲重數降生年
鴟絃切切檀槽裏

鸞影怱怱玉鏡邊
柳陌色添春日恨
梅龕妝憶嫁時妍

余贅姻西川節署梅花龕
良緣作合患羅叟
姻事因羅悅山文作成
買得紅絲

兩地牽

榕卿宅觀劇十疊前韻

曼衍魚龍不夜天
眼中吾老慰衰年
江風度曲穿雲外

簷雨飛花落檻邊
綠甕酒酣金谷暖
紅鐙春滿玉堂妍

某女伶反串
玉堂春新劇
醉歸柳陌嘶驄馬
惜少羊車竹葉牽

芝雲將回白下詩以祖之仍疊前韻

半江風雪早春天詩興官梅動隔年

承以梅花饋歲

三舍避君

旗鼓下

來詩有願豎白旂之語實則下走已再三之竭矣

十聯上我鏡屏邊

詩已

十疊韻

病難勝酒醒如醉老愛簪花醜覺妍計日平原留

不得驪歌聲裏夢相牽

喜琴初南歸酒樓小集卽席賦簡並示坐中諸老

春江雪片集北客賦南旋浪破乘風便心丹捧日懸寒

泉思母氏縞素別皇天大節惟忠孝君親誼兩全

聞道青蒲對憂時涕滿膺期君捍牧圉觸我夢觚稜袞

袞諸公在茫茫百感增江樓一樽酒醉眼望中興

肖雅以和戚升淮除夕感舊詩見示依韻奉酬並

簡升淮浙東

敢道言詩能起予元龍豪氣早銷除桃源尋得惟攜酒
栗里歸來且種蔬鄙吝別君三日後羈棲容我十年餘
南塘一老今無恙題徧浙東愧不如

中和節後二日花近樓春宴卽席賦簡肖雅疊前

韻

舊雨春宵肯過予頻煩禮數喜蠲除忽忽投轄催傳蠟

草草登盤試翦蔬談笑君尋黃散侶

坐中揆甫介
卿均舊識醉眠

我入黑甜餘荒廚不羨侯鯖貴白水論交本淡如

聞析津近事感賦

一病蹉跎十五年眼中滄海變桑田
新愁隴首逢鸚鵡舊恨橋頭訪杜鵑

亦擬作津遊

夜雨淋鈴孤驛外春花濺淚

故宮前茫茫八極鼇難戴安得媧皇再補天

送琴初之天津疊前韻

車轄方南下輕裝又北旋春燈湖市落

甫至自杭

夜雨海門

懸去作客中客重瞻天外天萬方苦多難玉碎瓦甯全
禍始蕭牆內非關戎狄膺將軍原跋扈宰相誤模稜望
子艱難濟嗟余老病增遙知晝三接邦賴一言興

林母傅太夫人六十壽詩

三月十五日
五生

興慶班曾列首行河陽花發板輿忙
蟠桃夜宴娛西母萱草春暉壽北堂
一品衣增斑綵色千鍾粟釀玉壺漿
循陔不礙居鄰市親舍雲間愛日長

花朝日接琴初天津書感賦

祝上雞聲夢早朝客懷難遣是花朝
驛亭芳信催梅萼行殿春光上柳條
不分姓名勞注記未堪風雨感漂搖
徹桑至計今非晚悽斷詩情續致堯

二月旣望徐園看梅有作簡夢華

索笑畫檐邊名園得地偏疑過梅里市
如坐米家船內

設書畫會裙屐來今雨茶煙近午天圖中吾老矣觴詠十年

前癸丑夏與夢華諸同年徐園雅集繪圖賦詩如昨日事

春夜詣夢華巷居

豈有黃昏約無妨黑夜來柝聲蓬巷寂星影草堂開夢

向蕉陰續

近作蕉亭筆記乞公製序

書煩劍外裁

適接蜀中宋芸子公函

何當

共遊騎鐙火下樓臺

公年逾八秩尚能秉燭夜遊

閒居一首和答肖雅即步其韻

休談絮果與蘭因垂老淞濱作幸民疏雨一簾春帶潤

清風兩袖客非貧鶯花寂寂誰為主雲水茫茫暫寄身

舊作水流雲在圖重徵題詠

九等表居中下列班書不限古今人

春夜觀尚綺霞演秦良玉新劇作此贈之

娘子軍前戰壘高
桃花馬上試弓刀
平臺晝接天顏喜
仗外春寒賜錦袍

管絃聲雜鼓鼙聲
闔坐爭看白桿兵
記否鳳城歌舞夜
醉歸燈火四川營

江山兒女繫興亡
荼火軍容縞素妝
九驛通賓開國盛

論功端不讓奢香

明初貴州上司
靄翠死妻奢香
代領其泉開通
九驛厥功最偉

入破家山唱後庭
土花斑剝姓名馨
儂家兄弟皆豪俊

急難原頭叫脊令

兄邦屏弟民屏
均殺賊有功

三尺霜寒怒掩鉞
裂將一袖報君王
鼎湖弓劍攀髯恨

北望思陵淚數行

雲郎本是王侯種來現戎裝女子身為問虞兮垓下曲

何如明史傳中人

綺霞此劇出梅晚華別姬一曲不得專美

安得雲安拜杜鵑江風吹斷錦城絃

甲子入蜀曾觀此劇事閱四十年已

記憶不清聞歌強起偏愁我一病蹉跎已十年

年來日在病中特為此曲

起

曉南席上聞尙伶談移宮近事

門限鎖倉珥移宮舊恨長河山原破碎風雨太披猖優

孟母忘楚龜年不負唐伶官為作傳清史姓名芳

上巳日本筆盛開與鄰樹交柯掩映因憶昔年海

日樓觴詠事感賦索夢華堯衢和

不必垂楊共兩家交柯玉樹隔籬笆重三擬續蘭亭禊

第一爭開木筆花風翦生寒春料峭雪詩鬪險韻尖叉

懷中海日零縑在重過黃墟酒忍賒是日霏雪乙庵舊以木筆初開第一

花成二律索和

約綺霞酒家小飲賦贈一首仍用漁洋山人人日

詩韻索梓怡觀察和

樂郊何處覓朱方劉禹錫詩卻憶朱方是樂郊天醉無從問彼蒼一

自挂冠別神武重來度曲識雲郎啼鵲切切人思蜀此

豸娟夢落湘舊雨二三花四壁老夫聊逐少年場

崇陵補樹圖劉翰怡京卿屬題

西山峻嶒易水涼 崇陵松柏鬱蒼蒼伊誰植此紅椿

樹陵寢樹株分紅椿以內吳興劉繼番禺梁梁髯早侍

玉皇案上方曾請誅安昌坏土未乾谷陵易風樹蕭蕭

淚數行翰怡京卿續盛舉冬青不數義士唐封樹奚止

十世計 鼎湖弓劍茲焉藏 景皇御宇卅四載中興

大烈期宣光處人骨肉非易事虞山愧坐中書堂旁枝

七葉承大統卜地並無萬年駐定制帝初卽位卜地作

景廟嗣統卅四載母愛子抱嚙語耳其亡甯繫寄生桑

一朝 龍馭辭京闕攀號無計空相望等是淮王舊雞

犬流落人間引恨長昔歲北門領鎖鑰麻鞵履偏 蘆

殿霜一刹那間玉步改宮車寂寞陵寢荒漫山草木感

搖落 御碑苔沒石馬僵捐金敬獻野人曝髯也董役

樹藝忙保貞茂悅荷殊錫黃綾拜領龍鸞章崇陵種樹需款與亡

室許夫人捐金助正奉賞保茲貞吉松茂柏悅 御書扁額二方 十年不踏長安道奔

棋世事紛蜩螗隴坂悽風泣鸚鵡岡原落日下牛羊補

天難覓女媧石補袞早裂軒后裳婆娑此樹猶如此回

黃轉綠思扶將展圖知君百廢舉鬱蔥佳氣長發祥鋤

雲翠月萬靈舞想見珠邱馨鼓鏜西陵古地梵宮儻是玄

都觀種桃道士今劉郎陵旁有古刹番爾來熒惑入南

斗摧仆五柞災長楊奉香不見津門使清明麥飯增感

傷時屆清明駐蹕天津梁髯九原不可作披覽斯圖抵球琅安得

圖中並著我萬松堆裏朝先皇

沈冕士辭往日本看櫻花詩以祖之

卅年飛夢海東頭親在何心賦遠遊君謂三十年前即擬往遊親在不果

風樹不甯愁上塚適以浙中不靖未及回里掃墓春帆無恙快登樓日本

下關春帆樓為李文忠地神山鴻爪尋徐福逆旅薦肩識

馬周斯遊擬變匿姓名實則君特為櫻花聯棣萼君家

兄弟足風流兩弟偕行

寒食堯衢同年招飲賦謝

爲尋雞黍約特造倦知廬風遞催花信架上瞻瓶玉蘭桃花正開雲

垂倒薤書曾農髯狂草辭飲合坐傳觀客愁逢冷節鄉味翦春蔬席間

麻菇產自劉陽卓午初筵盛侯鯖總不如

言笑陪諸老瀾翻進酒船驥材愁一蹶蒿叟晨間檢書失足幸而無恙

蠶信過三眠吳越兵燹蠶事失時蘿屋酬郎主一山妾積資營產近已移居一山初

不桃林締佛緣堯衢擬明日往龍華寺看桃花若教圖主客補入歲時

編

清明龍華寺看桃花遂至半淞園晚坐口號十首

浮屠七級鎖莓苔佛火重尋劫後灰今日老夫腰腳健

龍華寺裏看花來

章子逃禪參玉版元公召客饌伊蒲我來不佞何充佛

埽地焚香一事無

每歲三月一山與寺僧元照召客看花

紫簫吹澀賣飴聲野渡寒煙釀晚晴怪底東風慵解凍

茸裘絮帽過清明

板橋流水浪生鱗養豔開遲駐好春一色縱饒紅十里

種花人是賣花人

用初白句

遮莫桃林可放牛花枝宜笑更宜愁劫餘又見春人面

解祝今年戰事休

名園翦取半江淞舊日題詩恐未工槐火怱怱催我老

碧紗經得幾回籠

客冬賦半淞園題壁詩二十首

草堂依舊枕江開
岸柳庭花半補栽
舞罷鞦韆人小立
夕陽鞭影過橋來

山際高樓水際亭
洞天深處石瓏玲
客中攜得嬌兒女
羣向莎原試踏青

昨日酒樽開北海
今朝桃李會芳園
憂時各有千行淚
欲話新亭聲已吞

餅市茶坊賣酒壚
雜陳百戲列樛蒲
滬江亦有佳時節
不數清明河上圖

病山侍郎北歸得句奉簡並以志感

麻鞵曾踏鶻橋血
知自津門謁帝歸
覓醉慵沽燕市

酒未到辨裝惟采首陽薇獲陪黃綺年猶少謂張庵安園若

戀純鱸志恐違衰病遠承清問切感深無語淚頻揮

夢華同年招集廣仁堂午讌卽席賦簡

堂庶春深日未斜叨倍綺席飽殘牙適病堆盤重啖揚

州翅饌用揚州庖人傳信空馳別府花晁士別府來函極道櫻花之盛鴻印待

尋三老石漢三老碑現存西湖西冷印社夢華卽日入杭鯖筵不數五侯家麻

鞵恨不追臣甫沈醉東風望翠華席間示和余喜病山自行在北歸詩有天

語垂憐臣耄甚征塵馬策莫重揮等句向闕情深已

陳佩衡生壙題句

老圃花香重晚晴還從息壤締新盟清風明月本無價

近水遠山都有情絕憶鄴侯隱衡嶽早因坡老識藥城

謂哲兄伯平中丞

西湖我亦營生壙太息湘南未洗兵

春暮作客杭州文起觀察招集江干酒家小飲感

賦

纔聽吳篷雨西冷又遇君劇談燭見跋痛飲酒微醺尙
湖地堪隱陳樓牀許分隔江商女曲忍向客中聞

杭州卽事四首

如此湖山望眼賒杭州作客當還家

寓少石兄葵巷宅

依依人

戀隄邊柳緩緩春歸陌上花獻佛劇憐香市少題詩還

向畫圖誇去年興較今年好及見雷峰夕照斜

遊後蒿庵一日程夢華先一日來杭石泉槐火過清明白頭羞

對波如鏡素手慵看袖拂箏湖舫有攜歌妓者夙諾碧醪猶奠

墓每來杭上塚輒以斗酒澆比鄰俞曲園先生墓償夙諾也少年黃土竟埋名此行兼會

許汲侯內阮之葬散原不遇松廬逝憂患年來負友生

橫橋春漲足滌洄依舊柴門面水開庭際草看兒輩鬪

牆陰桑是老妻栽均十年前事十年歌哭渾如夢一老登臨

又此來卻喜巷南連巷北萼樓花發共銜杯

北峰高峙擁浮屠萬古濛濛一塔孤雷峰已圯保俶獨存纔聽歡

聲馳藏衛湖上寺僧歡迎後藏班禪來杭說法更溫舊夢到津沽三春花

柳誰新種半壁江山想霸圖為問多情湖上月夜深曾

照故宮無

湖上遺興

年來不過南湖宿湖中春水依然綠斷橋新柳何甃甃
如對行客訴衷曲去年劫火值兵燹今年燒香多女伴
佛云可說不可說一笑拈花忘世變美人曉妝臨鏡中
老衲忽已失雷峰

杭諺保俶如美
女雷峰如老衲

南山北山遊腳徧惜

未題詩到浙東

挽許汲侯

百年原須臾豈料僅得半魂兮招不來永夜發長歎憶
昔上京游行年甫及冠親舍依白雲琴瑟式歡讌王謝

舊家兒不作尋常燕伊余附姻特挾長荷深眷駭征高
句驪仁川理積案六察仕津沽遼海直清晏記掌北門
鑰隔坐勞避面時危我病歸宦遊爾未倦竭來吳越地
春秋屢相見何圖黃土埋倏忽彩雲散

生小金閨住讀書春在堂皤皤曲園叟筆花生古香外
孫克繼祖黃絹妙詞章比歲西冷隱外家惡可忘俞樓
峙湖湄劫餘草木荒漂搖撼風雨斷瓦覆危牆百廢艱
一舉大力思扶將鳩工董厥役百堵馨鼓忙傑閣改舊
觀湖山列檻旁移家挈梅鶴息游茲焉藏而我適來過
扁舟一葦杭夜深樂情話共此燈燭光

去年接凶問烽燧武林隔雷峰忽見圯汝亦了其厄今
歲來杭州已過清明節一慟及撫棺惴惴臨其穴東風
吹客衣紙錢化蝴蝶隻雞與斗酒腹痛心蘊結卧病滄
江晚已分周遺子所賴少年羣蔚成天下傑那堪白髮
翁感逝增悲咽頃過而翁墓瀧岡封馬鬣定知九原下
視膳晨饑潔三世忝舊姻一旦嗟永訣

冕士兄弟東歸來謁備知日本政俗之美作此志
感仍疊贈行詩韻

雲颿穩渡大航頭客路東歸紀壯遊行邁敬瞻明治墓
籌邊抵上贊皇樓

君此行意在考察彼邦政治風俗
與中國密切關繫不僅怡情山水扶

桑政策窺堂奧
杖杜詩情美
道周從古交
鄰原有術矧
今滄海是橫流

茸城道中極目

蕭馬鞞車委道旁
苔深鏽澀綠沈槍
去年戰血膏原野
依舊春來菜莢黃

三泖漁莊幾箇存
九峰留得數家村
鐵橋已斷憑誰補
雲水光中見燒痕

與堯衢談春明舊事

劫後鶯花夢裏身
卅年回首曲江春
奇書東觀慚非分

僻典南華轉誤人
異數君移廉使節

君按察山左因便
迎養特旨改調

西江同升我醉相公茵謂榮文忠師竭來冷眼觀棋局走馬千

門迹已陳

梓怡示春暮遊半淞園詩依韻奉答

壁上題詩忍再過客冬曾賦半淞園題壁詩廿首述江浙戰事劫灰歷歷奈

愁何依然載酒花迎舫尚有驚弓鳥避羅狎客新迎王

紫稼程玉霜甫自北來春遊還挈顧橫波滄江卧病成吾懶強

起為君一嘯歌

贈玉霜主人並以志感用肖雅韻

前身應是李龜年雲海重逢不夜天玉樹庭中思舊澤

梅花江上溯師傳妝成紅拂輕游俠所演各劇以紅拂傳為第一詠

罷霓裳俯衆仙風義況堪敦薄俗伶官佳傳待新編
十載流離感式微滄江卧病我安歸紛紛絲管新聲續
莽莽河山故國非花下念奴窺色相坐中家令損腰圍
白頭忍聽開天曲獨立蒼茫惜落暉

古微侍郎至自津沽詩以迓之

浹旬厯徧天南北喜見春卿展覲歸毀室早應綢未雨
沈淵猶及駐斜暉麻鞵憐爾勞行役藥裹慚余阻奮飛
聞道津門諸館伴眼中曾識漢旌旂

肖雅招飲寓齋卽席賦簡

蕭然斗室接中廚旨酒家藏不待沽儘許爛柯觀弈局

未應運甓薄樗蒲何時上蔡牽黃犬回首延秋集白鳥
深荷故人雞黍約燈前對飲莫踟躕

和答夢華感事一首

百端交集感余心枉直何從計尺尋傳信孤鴻猶見妬

學校檢查及於函札銜枚萬馬不妨瘡罷工罷市何止數萬人均能守秩序一朝黨

禍爭牛李國勢之弱由於黨爭他族因以為利五嶽歸期阻向禽莫道舉

幡狂眾穉祇今士氣漸銷沈

初度日感賦

何止茫茫感百端年來情緒總悲酸麻屨愧不追臣甫
皂帽惟應老幼安貨棄十洲夷市寂潮生五月浦江寒

爛柯袖卻觀棋手一局枯枰著子難

庚蟀頻催不計年幾回滄海變桑田賓筵衛武愆終集

弟畜田文理或然

余生先孟嘗二日

帶閩古稀賡杜什

遠道親朋誤為

七十正慶紛紛來祝

識迷今是續陶篇蘆臺雷雨豐臺火棖觸勞

薪廿載前

余歷屈生日均尋常視之惟光緒丙申從榮文忠公蘆臺閱兵值大雷雨庚子拳亂是日

火焚京畿

鐵路復從公馳往豐臺查勘至今不能忘

端午感事簡夢華堯衢

凌虛海市蜃樓空吹面何來解愠風不道端陽成冷節

萬家都在禁煙中

五日嬉遊百病消霽虹踏徧短長橋兒時竹馬堪追溯

夢繞潮音寺裏潮

黔俗端午出遊可除百病竹王城外
霽虹橋城內潮音寺每逢此日遊人

織如

湘水東流到海濱
年年繫纜弔靈均
而今各抱沈淵恨
毀譽難誣直道民

細葛依然賜近臣
天津橋畔翠華新
杜鵑拜罷調鸚鵡
安否猶能問主人

歃血新翻舊日盟
扶持正氣仗儒生
感時不作憂危語
一醉蒲觴望太平

蒿庵筆記題句

一代陽秋萬象涵
尋常莫當老生談
夢花筆突汪容甫

文體駢散兼行
絕似述學編

觀奕枰推紀曉嵐

文達閱微草堂筆
記自署觀奕道人

望京華依斗北長留書種繫江南劫餘曾續蕉亭記河

海涓流我未堪

拙著夢蕉亭雜記曾
錄就正自慚小巫

壽聶榕卿

茂苑同官廿載前
竭來萍聚滬江邊
河山非故人求舊
獄市無驚吏即仙
洛社衣冠圖雅集
謝家絲竹遣中年
靈著用九莫開十
鶴笛梅花介壽筵

和答許苓西

不到羅浮訪蜨仙
淞濱重話劫餘天
身如遊絮隨風轉
心似孤雲捧日懸
定策忍談靈武事
編詩非復義熙年

禁中頗牧依然在回首江亭餞別筵

指辛丑秋江亭餞別事

茶煙半榻夢初回三徑荒蕪埽不開杜老親朋艱一字

謝公子弟美多才鬻塵北市驚鳴鏑吉語南山愧有臺

太息哲兄成宿草不曾花近共銜杯

悼穉筠宗丞

和答高友棠京師

自擬逍遙六一翁休云掌鑰寇萊公南山竹罄填胸際
東海桑枯在眼中已分生涯隨釣艇漫勞佳句付郵筒
涼炎一例銷長夏苦憶來薰殿角風

賓館鱗筵徧五侯翩翩書記儘風流狂來箕口成詩案
醉後花枝代酒籌草澤羣兒執國命蕉亭一老續陽秋

夢蕉亭筆
記適成

大江西上尋黃鶴與子同登奧略樓

和答商藻汀太史

洗兵安得挽銀潢風景新亭淚數行
唐代中興資郭李漢家大烈溯高光
樽前鬢影經霜早枕上潮聲和漏長
覽揆漫勞珠玉錫墨花吐豔字生香

椽燭修書富五車十年簪筆紀東華
藏鴉忽見白門柳走馬曾看上苑花
破斧未堪零雨後揮戈莫放夕陽斜
秦淮燈火今猶昔遙夜懷人水一涯

和答堯衢

同傳衣鉢溯和凝雁塔題名記昔曾
衰病我甘伏櫪馬

衣冠詩存 卷二
出羣公似脫鞴鷹移情絲竹關哀樂過眼滄桑閱廢興
最憶武昌官道柳使君膏澤至今稱

壽李伯行侍郎

真靈位業後凋身蕃翰先朝重甫申覽揆恰逢天貺節

問年疑是義熙人蠻花狔鳥迎生佛

承助黔振

玉敦珠槃擁

上賓

歷充東西洋大使

腰笛侑觴賡委曲南飛珍護鶴精神

壽陳倬甫之母王太夫人

萱榮大夏駐春暉檢點花斑舊綵衣經訓世傳韋氏幔
書聲人識孟家機平反每喜無冤獄封誥頻頒出禁闈
今日瑤池觴壽母糜欽酒熟醉忘歸

六月四日花近樓讌集夢華同年方助黔振詩以謝之

賢兄遺愛滄江水

謂少鐵太守

十萬哀鴻又拜公爲挹酒漿

祈北斗早薰香辦祝南豐形忘老帶莊襟外春在蠻煙瘴雨中近局獲參羅漢果知君心與佛心同

和堯衢自壽二律用元韻

天貺何嫌已後期

初七生日

籌添海屋喜先持衡陽雲物鍾

靈氣水部風流似舊時早挂衣冠仍戀闕重諧花燭預

催詩是翁矍鑠駢家慶未覺人間有別離

用來詩句

漢上琴臺寄賞音鶴樓玉笛訪胎禽臨江雲棟滕王宴

奉使星槎白帝碁六月鯤鵬舒倦羽公有倦知廬八年書劍

動歸心祝君並作中興頌歲旱而今望雨霖

蒿庵制義題詞疊前韻

熊劉骨格王尤體一代能文祇數公獨有才名追大歷
早傳類稿繼元豐神明規矩方圓外操縱起承轉合中
窺盡陳編羞盜竊何曾一語著雷同

萬言奏議千言賦何意時文又屬公腹本便便經笥富
考皆上上硯田豐淵源有自師承薛駢散兼行述學中
采殿探花他日事秀才辛苦有誰同

喜夢華過談四疊前韻

流離我尙羈江表輿誦君猶徧皖公有夢不違天咫尺

無田還祝歲綬豐義之作序感今昔夢蕉亭雜記李蔡

爲人慚下中獨向湘南聯舊雨謂堯滄洲未許一樽同

丙戌同年寓滬者尙有粵籍之劉君四十年來迄無一面

病中遣興簡夢華堯衢

劫火昆明迹已陳眼前物我自相親綠毛濯月知龜壽
白羽梳風喜鴿馴蘆蔔花香朝獻佛蒲桃酒冽夜留賓
新亭舉目應無恙夢裏河山病裏身

喜曉南歸自天津

比翼朝天綵鳳飛怱怱北去又南歸杜陵謁帝身須致

愚叟移山志肯違攬鏡忽添新白髮辦裝猶贖舊緋衣
鷓鴣橋往事先愁我病卧滄江夢瑣闥

堯衢過談賦謝

蒿徑勞君一再過五都市外有卷阿迷離鹿夢墮中幻

苦澀蟲吟厠上多腹愧郝隆書舊讀強起督率交深徐

穉鏡新磨比聞那琴軒相國綠章曾奏通明殿流落人

間感逝波舊陳封事為報紙

六月二十二日即事

立秋甫三日辭世逾廿年忍談門楣事莫補離恨天

書感示堯衢

一鬩蚊雷掣電過，慚無私好任人阿。但留捧日丹心在，
那計燒城赤口多。賈誼上書惟痛哭，陳登豪氣肯消磨。
涇清渭濁吾何與，千頃甯爲叔度波。

荷花生日曉南招飲奉酬一首

酌我荷花生日酒，碧筒香泛有餘馨。眾賓諧謔醒兼醉，

一老婆娑影答形。偶遇李暮商笛譜，

坐中有精六律者

還從陸

羽補茶經

席散繼以茗談

年年此會聯觴詠，笑倒朱提百斛瓶。

六月二十六日感事

佛香高閣五雲排，帳殿千官進膳脾。劫火昆明一彈指，

天風吹散鳳簫諧。

凝碧池頭百戲陳 先皇恩禮重疆臣果泉不作香濤

逝賸有何戲是舊人 癸卯 德宗萬壽以豫撫隨班祝釐奉派與鄂督張之洞皖撫誠勳

入座聽戲南府諸伶迄今尚有存者

天然慈孝喜重闈兩聽唐宮奏羽衣 丁未十月 皇太后萬壽以川 慈禧

督奉派入座聽戲 行邁忍瞻周道黍景山松柏已成圍

再世旁枝大統承風雷誰與護金滕移宮換羽須臾事

白髮滄江病莫興

贈楊壽桐

古井無波萬古春孤兒複壁竟全身班超遠志曾投筆

翁子窮經克負薪上壽荷花先九日新秋蕙葉紀三辰

飛觴我欲星河挽，乞取天漿動酒鱗。

七月初三生
辰書扇贈之

贈費梓怡

彝訓趨庭美，紹聞更依親。舍護慈雲十年作客，攜蠻素
兩世論交重。紀羣載酒時，過揚子宅角。詩難撼岳家軍，
生朝預乞天孫巧。襄錦機絲織壽文。

後七夕
二日生

七月初六日爲幼石二兄僧寺營齋，感賦呈少石

大兄

問年合是古稀人，地下長眠忽五春。一弟早衰兄亦老，
特來蕭寺作生辰。

入夢連宵共一樓，有時笑語有時愁。兒孫飢飽君休問，

鹽米零星早代籌

益部樓船戰鼓多廿年遺愛譜巴歌
草間偷活應憐我
忍見殷墟秀麥禾

擬署齋名百藥崇

近購得陸祁生崇百藥齋文集

詩成廁上苦難工九

原可作呼予弟計閨今年七十翁

七夕

耿耿銀河接素秋娟娟新月上簾鉤
當年乞巧憐吾女
又看嬌孫拜女牛

秋夜感逝絕句

嘗讀史魏公子無忌傳客有說公子曰夫人有德於

公子公子不可忘也公子有德於人願公子忘之也
三復斯語輒低徊不能置余遭際時會十載疆圻國
體驟更養痾海上其有德於人者固已忘之矣每念
束髮受書郎潛作吏凡夙受栽植靡不中心藏之卽
一字之褒一顧之雅一飯之惠又豈可淡焉若忘今
老矣任俠風義何敢希蹤無忌儻有如說公子之客
者竊願日侍左右俾聞吾過病榻呻吟聊賦短什以
代招魂並抒積愆云爾

禿盡江淹筆一枝心如風樹鬢霜絲眼前家國興亡恨
不是尋常感舊詩

多難端資夾輔親委裘兩度抱冲人尋常一飯容三吐

獨荷温言慰積薪

恭忠親王王功在社稷薄海咸知毋煩詞費余在譯署為掾屬丙申同

官某君截缺事恃有軍機例保提前奏獎常熟主之亦無如何語榮文忠曰陳君差事勤升補合例乃為某

君白晝搶奪我亦不平聞之增感

中書畫諾筆如椽銀鑰金章帝胄賢燈影隔簾曾識面

馬周骨相愧鳶肩

禮邸每詣軍機畫稿邸曾語許恭慎公云此人骨相端凝定卜遠到

未窮巫蠱株連獄曾贊收京輔相謨太息東山零雨後

公歸何地不狼胡

慶邸戊戌變政一案奉派督審甫到部已奉旨處決庚子議約回鑾

曾參末議患難相從者一年餘迨余出領疆符朝端多故邸亦齎志以沒

吐握曾忘使相尊醉茵老吏戀清門茫茫何處西州路

知己惟公况感恩

長白文忠師榮祿余任戎曹師拜

役不從六品曹郎七遷而開藩汴洛建節清淮均在五年中而均循序而進非等捷獲實為異數大臣以人事

君之道固如此耳

蜀國江清泰嶽蒼齊州歸葬墓門荒愛才公是張延賞

慚愧韋郎負壻鄉

外伯舅平遠丁文誠公寶楨余受知最深公在川積勞病逝歸葬山東

徇民意償素志也夙有拜墓之約至今未踐

郭李勳名房杜謀北洋班次冠諸侯榮公召我公留我

悵想津門建節秋

合肥李文忠公鴻章戊戌夏榮文忠師調余北洋差遣奉旨允行公

時總理譯署以署中需才專摺奏留余遂憑資勞擢升京尹迨移節北門均兩文忠昔年建節之地追維昔款

感歎烏能自已

下筆蠶聲夜未休淚珠滄海苦冥搜公門不少新桃李

放我階前出一頭

長白席卿尚書師錫珍師充丙戌會試正總裁余出門下三場十四藝

均蒙獎許是
是可感也

橐筆堂司共譯庭有時絲竹後堂聽病中忽話東朝事

蒲柳先衰涕淚零

濟甯孫文恪師毓汶師病亟召余密籌歸結某奏案事並道東朝眷顧

之優自維蒲柳先衰無從圖報

折輩聯姻排眾論鮑家小妹有賢昆朝回不說宮中樹

寂寞筠清退食軒

仁和許恭慎公庚身公為家兄鄉試座師又余妻從兄也平生謹慎絕

口不言溫室樹退食焚香默坐承直南北屋三十年懍懍不可終日

韋杜城南尺五餘東偏為我設精廬十年仕學叨君賜

埽地焚香補讀書

嘉定廖尚書壽恆
姻姬尚書宅近東華於東偏為余設

榻十載同居兩家春好以地絕囂塵可謝卻南城
酬應每於退衙之暇得以半日讀書尚書之賜也

副相崇班本絕羣望之門下愧朱雲斜街儘有看花客

問字何人到夜分

壽陽祁文恪師世長
同官由侍郎躋升尚書者若而人公久任總憲

不與校也遲之又久始擢工尚旋病卒所居下斜街四
眼井邸第門無雜賓余每伺公休沐之暇停車問字時

明教
益

杏宴叨陪弟子行世家喬木內家裝廿年不踏修門路

半畝荒蕪賸夕陽

長白文恪師嵩申
朝詞翰承直內府夙夜在公談經講

藝迄無暇時然每一請
謁未嘗不殷殷教誨也

小市南街屋數楹相門如水湛然清論兵裘度霜堆鬢

退直惟聞太息聲

長白山相國額勒和布公
管理兵部最久余極荷優賅

鼎彝鹽梅席已殘
尚留神笏立朝端
翦鐙重話巴山雨

長共齊煙九點寒

朝邑閩文介公敬銘
入京謁公時公已解樞柄仍管農

部每一請謁
情話肫然

平市籌頒內庫銀
識微三輔禍紅巾
樽前頓失聞雷箸

豈是牂牁著籍人

師和王文勤公文韶
西恆錢莊歇業余請部帑接濟市

面以部庫為董軍所據特商之公發內庫鉅
款公極謂然並謂余決非黔籍聞之主臣

官書堆裏識潛郎
朝市還登綠野堂
太液恩波容一舸

相公雅度折驕王

壽州孫文正公家鼐
公前官兵侍
極荷優賅迨余以蜀督入覲公已正

位端揆南海祝釐同泛煙波某邸年少
而驕共乘一舸公以大度容之邸窘甚

百尺梧桐鳳侶孤老成模楷謝夫夫退朝花下渾無事

萬字鑪香一酒壺

長白大司馬烏拉喜崇阿 公久官兵尚凡余部中烏布均承公點派

急難排闥叫二天解鈴還冀相公賢有容畢竟休休度

許我斷斷禁闔前

長白子良協揆剛毅 戊戌一案同鄉李苾園尚書獲嚴譴緣病由余詣

軍機處商請展期啟行公不允正辨論間榮文忠出為調停先起解後給假在天甯寺調理其後庚子拳亂某

邸劾余公面奏余有血性蓋指此

卜廛東巷接交民初念何嘗薄睦鄰半日讀書名論在

未堪末路入荆榛

漢軍徐蔭軒相國桐 公會署大司馬第在東交民巷與使館比鄰余每

謁公知余住內城謂可謝絕南城酬應得以半日讀書晚節不終非所料也然一死足千古矣

六品頭銜計俸縉春秋兩季不嫌貧徐公風月偏知我

著手能生頃刻春 嘉定徐協揆郵 兵部患貧恃飯銀 處兼差調劑一日所司呈稿已點派

他友繼知我貧 特改派此差

武帳論兵手版持留臺妖火厦同支即今白髮孤青眼

非復當年慘綠時 宗室文恪公敬信 前官兵尙接見 後公詢他友曰此慘綠少年誰也後

余尹京兆公時官九門提 督同支庚子京師危局

重集其球策豈無尙書憂國履聲孤如何地下追袁太

卿許侍郎 一路攀髯到鼎湖 海鹽徐忠愍公用儀 子之變公就義前數日猶

過尹署與余共詣榮文忠密商挽回時局方略未幾授 命西市時值 顯廟忌辰例不行刑某邸矯詔文忠造

膝力爭亦 幾不免

少年才並張公子作郡師承胡詠芝而我東牀曾坦腹

受知先在秀才時外舅泰和周春圃先生繼煦先生

文忠公門下余忝居甥館飲食教誨極荷恩知

忘年交幸聯張李招隱書難結向禽塔寺鈴聲枌社淚

五更殘夢九原心貴筑李苾園尚書端綦公鄉邦先

歸隱天甯送別羅甸招魂如昨日事而悼恨豈有涯耶

黔嶺回輶片玉持重吟梁句負恩知上斜街右番禹館

記我停車問字時番禹張蘭軒師清華師典乙亥黔

梁文忠鼎芬於師有渭陽之誼壽余詩有我舅回輶片玉呈句讀之主臣無已

詩人端合夜郎來驛路星輶瘴霧開行卷未遭紅勒帛

至公堂上有歐梅斬水畢東屏師保釐師工詩乙亥

閱之未嘗不稱美也

凡才一顧竟空羣法眼能搜澀體文太息王門房魏少

先生祇合老河汾

寶應朱適庵師百遂丙戌會試出先生房極承獎借山編修外簡山西

汾州府旋告歸

重簾官燭映秋窗薦士才慚鼎可扛文字淵源章貢水

豈惟詩派溯西江

南康謝小蘧師紹曾師作令且蘭乙亥鄉闈余出房下原籍與師同隸

西江

上書請劍斬安昌餘事論文邃密商見說邊才收二雋

龍頭龍尾費評量

瑞安黃漱蘭先生體芳丙戌廷試吾鄉趙仲瑩同年居然狀頭余在三

甲漱蘭師謂苾園尚書曰兩君才調相若詎仲瑩高掇巍科彼石竟列下第甯非異事聞之惟有感愧而已

騶唱頻煩寄庶臨潞河春水比情深虎賁未必中郎似

獨識焦桐爨下琴

錢塘許仲弢廉訪鈴身君為亭秋夫人從兄前官通永道時相過從至

謂余貌似其先德
文恪公主臣無已

上計長安一第難南歸鍛羽附仙翰廿年來上清明塚

一飯終慚國士韓

族叔筱雲明府世莖丁丑下第侍公南歸曾荷分金之誼丁未過家上

塚宿草已寒一飯之恩至今未能報也

論交與俗異鹹酸白首郎潛共一官博得希文好詩句

也曾元旦賦荒寒

泰興王鐵珊戎部邦鼎余與君同官戎曹道義論交君於甲午除夕逝

世乙未元旦余獨往旅次哭之並有元旦荒寒我哭君挽句後辛丑臘月遇范肯堂光祿於袁浦以詩贈余有

句云也曾元旦賦荒寒即指其事而鐵珊已千古矣

一鞭夜渡黃河去逆旅多情有邵翁今日漫天風雨急

海灘何處著孤篷漿澤邵翁丙戌計偕北上河干待渡近村邵叟為東道主日夕放棹以

梅村一鞭夜渡黃河宿句賦律一首紀事邵翁高誼至今不忘

老翁七十何所求計閏己過七十君父深恩況未酬隨會九京

如可作夢魂重話黍離憂

劉蔥石枕雷圖題詞

法曲開天迹已陳劉郎前度看花人霓裳月府歌應續

布鼓雷門製更新等是枕戈悲越石况聞匣劍合延津

移宮換羽今何世說到唐家涕淚頻

肖雅示觀棋詩取杜陵長安弈棋之意爰作懷杜

二首卽用其韻

百年世事少陵悲
棋局長安已早知
間道麻鞵心戀闕
孤城刀尺客居夔
魂歸落月懷仙侶
醉起登牀傲挺兒
太息楊花天寶亂
嚮晨誰縱牝雞司

江頭野老不勝悲
鼙鼓喧闐草木知
自擬許身期稷契
劇憐同志少皋夔
平生就句都成史
令節催人賴有兒
曾過草堂瞻畫像
頭銜工部重曹司

成都浣花寺何蠲
叟榜書工部草堂

四字

讀蒿庵龍華看桃花
歸北眺有感詞句奉酬一律
看花舊說龍華寺
譜入新詞便不同
每抱孤心依北斗

卻羞半面逐東風籠紗製舊原無價錦什箋成恐未工
我亦立都前度客與君踏徧軟塵紅

秋分後一日夢華同年枉過清談移晷詩以紀之

平分秋色遠囂塵深荷高軒往過頻頗詫坡仙能說鬼

陳介庵傳語事似聞鄭驛早通賓譚芝雲求致鄭君書銀濤爭逐觀潮客

朱曉南移家杭州黃種偏多異色人君善相謂黃種人面深黑者必貴以某某為證獨

羨能文陳吏部賭詩覓句不迷津伯嚴杭居日以詩謎排遣

花近樓初編壬子集與夢華唱和至百首今無此

興致矣感賦

劫餘海角重攜手百首新詩互唱酬種秫未曾過卅畝

采蕭幸不隔三秋題襟漢上庭筠感聞笛山陽向秀愁
我病早衰君翼鑠吟鴻各有爪痕留

堯衢病起以詩索和依韻奉酬

爽氣西來頓起疴鴻光眉案近如何

賢孟病先愈

同參寶鼎

燒丹訣如聽康衢擊壤歌

來詩有古樸氣康衢吉語特以奉贈

入夢君馳

雙闕遠

病中詢行在近事

養癰我悔十年多白頭獨羨馮公偉

壽骨棱棱謝唯阿

伯夔至自杭州述散原湖居甚適作此奉懷卽以

代柬

聞爾杭州住清秋山水滋襟痕餘舊酒詩案賭新詞滕

閣無風送秦淮有夢思江干潮信急狎浪弔鴟夷

檢視登科錄怱怱四十年藤廳不肯住雲舍足留連避

地尋蘇小移家傍樂天

所居在湖上白傅路

預申重九約同醉北

山顛

附和作

義甯陳三立

散原

跡疏叢桂嶺待菊發華滋貪接高人躅翻驚幼婦詞

海霞輝寤寐湖葑亂愁思避世存杯酒休論惠與夷

覆國近千劫移家續一年飽颺鷹已怒突出蟻相連

氣奪揚塵道宛淪掌夢天弄戈對把筆留命作癡顛

堯衢和章又至仍疊韻酬之

細檢新方治宿疴腐腸先戒飲亡何每懷殿柳三眠起

適得行慵聽庭花一曲歌北伶南來度曲未能聽也簾月劇憐今

夜好曩詩持較去年多看山笠屐須料理采藥還尋五

嶽阿

中秋日肖雅以感事詩見示依韻奉酬

卅年交誼比荀陳萍寄秋來話夙因踏雪飛鴻猶有跡

昔歲同藏蕉夢鹿恐非真夢蕉亭雜記刊成裁詩白傅酬元九

官吳會夢華堯衢時聽雨東坡對潁濱少石兄等是看花前度

與詩索和客何圖海上作流人

中秋夜懷曉南杭州疊前韻

比鄰十載誼朱陳燈火新涼溯舊因
互作主賓觴詠集相忘爾我性情真
九秋一別申江曲雙槩重尋聖水濱
安得今宵共明月樓高花近遠懷人

壽吳佩慈方伯同年七十一

九月十一日生

吟古稀詩繼少陵曲江陪宴昔年曾
樓高修鳳驚韓泊

君工楷法竟失館選同年
生入詞林者均望而卻步

臺迥呼鷹笑景升

昔歲同官荆楚諸郎

今已成立慰望東山慵再起壽昌南極慶長凝
菊觴合展重陽會眉案欣無白髮增

中秋後二日福兒九姪往海甯觀潮棖觸余懷作

此示之

東南天下山水窟大觀無如廣陵濤叱咤雷霆走風雨

一色長天秋水高疊雪樓上揩醉眼朱侯招我傾葡萄

十九年事一彈指意氣元龍百尺豪

丁未秋入杭曉南觀察招往疊雪樓

看潮竭來老病成吾懶繩牀偃息首徒搔卧遊或可追前

哲乘興祇合任汝曹最難兄弟同攜手重陽未近先題

糕輕裝已辦詰朝發曠觀足藐莊生濠懸知一綫若奔

馬龕赭兩山相周遭定有千人萬人立奚止十盪十決

勞緬懷前胥與後種心潮怒涌波滔滔吳顛越蹶幾何

日霸圖已矣空鬱陶臨流可悟道消長弔古草憑史譏

衷爾儕年少那解此但思狎浪滌腥臊客歲忽裂衣帶

水今秋海門息鯨鼉不須更試錢王弩盍早歸來抽吟
毫

十八日亭秋夫人忌期得句志感

是日爲
觀潮節

夢逐浙江潮茹恨日以遠潮消有時長人去不復返念
我金閨友情影梅花伴一別倏九載老懷難自遣昔作
上京遊同心期黽勉隨宦天南北黛眉偶一展天不祐
堯封武昌吹桀犬沿江走烽火白旗任舒卷我時苦患
瘍卧掌北門管賴子偕死守袖裏并州翦遜詔出東朝
投劾計非晚方舟共南下陌上歸緩緩感時無好懷但
覺俠腸懣二豎遂乘之哀絃忽中斷九京朝興慶含笑

參玉版全歸爾何憾偷活吾渙忽洞溯十年來時局甚
危卯兵未銀河洗禍屢蕭牆燁 至尊竟蒙塵孰進蕪
羹飯麻鞵遲未著病久怯足趼七尺負君親中宵勞輓
轉魂魄若有知隕周淚盈眼今朝風雨急胥種腔血滿
想見錢塘江濤頭突過堰疊雪倚高樓舊游煙雲散未
秋同往疊雪樓觀湖遺像猶挂壁懸鰈席不煖佳節近重九韜光
約當踐扶病來西湖墓門訴情款

高幼棠以詩見寄讀之增感依韻奉酬一首

荒江耄遜我非狂宮殿千門憶建章本以中興期郭李
劇憐無命惜關張收場戰馬驚鳴鏑填海寃禽歎望洋

衰病麻屨猶未著天王今已狩河陽

夢華以中秋詩見示疊韻答之

客中節物怱怱過病後詩篇一一酬

肖雅堯衢均以函催詩

忍見

芙蓉開太液似聞烏鵲叫延秋疏狂劇孟千場博跌宕
歸莊萬古愁潮信甫平烽又急西風江上弔婆留

丁佩瑀太夫人八秩壽詩

蔗境回甘老境舒八旬燕喜肆筵初榆關宦轍資賢助
花縣安輿奉起居彤管他年光女史青燈往事課兒書
稱觥留得重陽酒拜母登堂慶有餘

九月十六生日

盛母莊太夫人六旬正壽澤丞兄弟索詩賦此祝

之

象服笄珈貴若忘德門奚止善於鄉

太夫人樂善好施

伯通吳

廡修眉案

杏蓀宮保服官中外朝野屬望而仕隱之日居多

興慶朝班列首行

斑綵萊衣娛壽母絳紗韋幔授諸郎百齡上瑞先周甲

特展重陽晉菊觴

重陽後九日生

獨酌有感三疊前韻

樽前覓得中山酒惜少鄰翁相勸酬江上晴雲翻雜雨
天涯芳草忽驚秋紛紛競說南山固渺渺空縈北渚愁
亂世苟全聊作達縱非吾土盍稍留

和答夢華感事

天塹由來限南北郊垆忽已啟元戎攘爭奚止三分局
叱咤難爲一世雄肯畏流言憂破斧憑誰涕泣阻彎弓
洗兵安得秋河挽杼軸先愁大小東

卽事和堯衢四疊前韻

拜嘉肯待三年賜知己惟憑一劍酬大好湖光西子月
黯然王氣秣陵秋風波處處公無渡劫火炎炎我亦愁
破產誰尋滄海使報韓事了卻封留

簡夢華堯衢卽以書感疊戎字韻

軍前避可輸三舍天下平難恃壹戎學子同舟成敵國
能臣亂世卽奸雄謀窮滅竈兼增竈道似張弓又弛弓

堪笑過江名士鯽倚誰持節鎮安東

重九日招同夢華雪丞伯行堯衢古微病山諸老

並少石兄江樓登高遲銘伯不至地主遠甫韻秋

兩君預會卽席得句奉簡兼懷伯嚴曉南杭州

登高屢負韜光約

曾與伯嚴曉南約往韜光登高爲兵事阻不果

黃浦特開重

九筵茶火又逢多難日菊觴聊遣早衰年同爲半醉半

醒客況是無風無雨天遙憶故人湖上住酒酣騎馬似

乘船

是日讌歸復成九言體詩呈諸老凡九句

我生忽忽六十九重九由少而壯不覺成老醜今年運

阨百六歲在丑龍戰於野豺狼滿地走獨客滄江一卧
淹留久除卻愁中病中何所有安得白衣今日來送酒
不然歸去東門牽黃狗猶幸題餠不落諸老後

十三日無雨諺所謂一冬乾也是夕莊園讌集聞

南北戰雲方熾撫時感事疊前韻

十三依舊無風雨酒綠燈紅又此筵九日後仍開雅集

一冬乾豈兆豐年偶逢摩詰尋初地

班禪弟子浙僧來治余病翻悔

媧皇補漏天

農家望雨久矣

聞道朔南笳鼓急避秦安得捕魚

船

詠雁寄懷琴初天津

北雁無消息悠悠繫我思
況經陰雨後又屆肅霜時
啄粒甯謀稻銜蘆總戀枝
青天一行字書寄莫遲遲

寄懷伯嚴杭州三疊前韻

百壺乞得酒如泉
惜我難陪落帽筵

來函云仁先乞得
曉南佳釀約在湖

樓作重九湖上鶴梅新有塚

君在湖上新營葬事

山中蟪蛄早忘年看

花霜晚煙籠寺捉月雲低水接天
聞說西溪蘆似雪有

人乘興欲牽船

堯衢有和頌年
泛舟西溪詩

堯衢以和頌年泛舟西溪詩索和棖觸舊游亦賦

一律卽步元韻

俊游我昔趁秋晴
不斷溪流喚渡聲
霜菊滿頭容比瘦

雪蘆照眼老猶明
壁留癖疥飛鴻戲
曾於交蘆庵題詩疥壁
酒入

團尖大蟹橫無分
招魂尋月上誦君
佳什不勝情

書感三疊前韻

竹斑木瘦豈為疴
壯不如人奈老何
說法生公能點石

憂時子野怕聞歌
重尋洛社鬚眉改
再到黃壚涕淚多

惆悵今吾非故我
水雲還認舊巖阿
余有水流雲在圖

秋夜鏡清招飲寄
廬卽席奉簡並示
坐上諸君子

疊前韻

纔信人間重晚晴
怕聞風雨撼秋聲
推襟喜共朱公叔

曉南
刮目還逢呂子明
文起
多難萬方思地縮
梓怡
凌

虛百尺瞰參橫劉郎舊是看花客說是無情卻有情

少石兄將歸杭州詩以留之五疊前韻

詩人雅愛杭州住獨我年來願未酬明聖湖光濃似酒

富春山色淡如秋往歲入杭曾游富春不才敢詡庸中佼丁未由蘇而杭

始改署庸庵急難翻增病裏愁接黔信仲氏家夜雨聯牀眠

不得行行盍為鷓鴣留

寄汪頌年索和四疊前韻

神武歸來為養疴德星聚散感如何范衣裁就傳疑鉢

君與夢華有衣鉢之誼吳語學成和楚歌余久居吳下君與堯衢皆楚人河滿一

聲惟淚落蘇戡述北事無故國之感潭深千尺比情多西湖縱好

非南渡舊閣難忘鳳集阿

江樓爲少石兄設餞四疊前韻

兄酬弟勸尋常事其奈今朝是祖筵綠酒半酣增別緒

白頭相對感凋年到來久負六橋月

君來滬已年餘

歸去重尋

三竺天我有橫河數間屋何時同泛聖湖船

送蘇戡之析津五疊前韻

鄭公通德一經傳啟沃昕宵侍講筵翊贊終成靈武業

蒙塵豈是靖康年麻鞵羨爾追臣甫詩本慚余遜樂天

余久寄吳郡得詩極富但不工耳

十日怱怱裝又發

此來僅給假十日

津鵑橋

上盼歸船

冬夜淡遠主人齋中觀劇卽事示梓怡

子夜歌成感二毛
家山入破竹絲豪
軍諮百罰先刑馬
節奏三搥大討曹
豈見廬山真面目
依然湘水綠波濤
英雄畢竟憐兒女
聲價登龍十倍高

頌年佳什聯翩而來出示夢堯二老均極歎服勉成一律志佩五疊前韻

一檄頭風愈痛疴詩場何幸共荀何兼謂伯嚴白旗笑我書

降表畫舫輸君發權歌遊西溪有詩不分峰高齊五老伯嚴書來

吳越聯吟應增五老二字漫勞華祝壽三多開歲余七十初度舊日僚友有先期騰書徵文

者峻詞卻之橫行十萬師無敵莫叱樊侯是妄阿

頌年復示補和九日登高詩無韻不工六疊前韻

酬之知不免貽笑大方耳

佳節無風無雨過

余重九詩有況是無風無雨
天句謬為諸老所賞

好詩一字

一縑酬科頭漉酒邀元亮冷眼觀棋笑弈秋第宅王侯

誰是主

羣族競爭此起
彼仆不知所屆

江山兒女不知愁

聞錢江花
事極盛

盈

盈帶水吳通越特為西湖許暫留

劉澄如齋中敬觀

御筆乃七齡典學所書龍飛

鳳舞具徵天縱多能恭紀志仰

羣盜披猖日冲人典學年十行驚戲海一畫妙開天筆

正緣心正師傳溯

祖傳七齡工染翰落紙盡雲煙

兩拜璇題賜臣門斗覺高
棊忱天共鑒貞吉 帝榮褒

會荷 御書保茲貞吉
棊忱淵抱扁額之賜 功聖基蒙養艱難在外勞校書

劉向職珍重邁球刀

和堯衢談籌振事六疊前韻

哀鴻已分填溝壑梁肉朱門敞盛筵為富夙聞陽貨論
送窮難遣退之年最憐楚澤無乾土何況牂牁是漏天
安得雨金兼雨粟衆生大願快乘船

堯衢出示游半淞園長句六疊前韻奉答

草堂江上滌煩痾 園中廳事署 奈此茫茫百感何
鴻印

昔留題壁句 余有半淞園題壁七律 鳳衰今和接輿歌
二十首敘述南北戰事

勝游共索春風笑

春間借游

別墅還逢舊雨多

歸過非園暗息存古微諸

者省識謝家兒女意愛憐不覺老懷阿

讀史魏公子信陵君列傳七疊前韻

任俠誰如魏公子侯生身命已拚酬拒秦為急他人難

客趙甯忘故國秋去日軍符休諱竊暮年醇酒足銷愁

大梁往事吾能說三載夷門屐齒留

余仕汴三年

遣興一首七疊前韻

絕少經師起廢疴更無家客識常何且編彭澤先生傳

聊作滄浪孺子歌伏櫪英雄騏驥老過江名士鱗魚多

勞勞身世吾何有海有津涯山有阿

伯巖西湖營葬妻子作此懷之八疊前韻

無家祇合客中住有句還從夢裏酬寄廡同看黃浦月
毀巢忍話白門秋溪蘆雪釀千花色隄柳煙含萬縷愁
知叟孤山瘞梅鶴聖湖佳處且句留

榕卿約往哈園觀劇不赴越日以詩奉簡七疊前

韻

采薪未預西園集悵想飛花落舞筵坐少駿公談紫稼
堂非崔九憶龜年魚龍曼衍燈前影樓閣玲瓏海外天
病起裁詩難協律思如上水强行船

烏止一首八疊前韻

烏止焉知誰氏屋花飛已落別家筵甘泉烽火蒙塵日
神武衣冠去國年孰畫葫蘆描晉魏忍敲檀板說開天
興亡從古關人事東海枯桑穩繫船

長安客至根觸前游得詩十二律用肖雅見懷韻

忘歸珂馬樂陶然葦杜城南尺五天高會霜前招雅集

九日陶然亭登高舊聞日下補叢編夢蕉亭雜記刊成

都人士逐日譙集為尋歇浦三千客不到江亭二十年已西入覲曾一登覽入定

盲僧今在否南窪猶賸葦成田陶然亭

書城列市埒燕然福地瑯環別有天兩肆往來無俗客

廠分東百錢零碎拾殘編藍皮已入同文世近日崇紅

西門尚西學紅

錄還思看榜年不羨寶山春每值新春火神集目耕

留得子孫田疏璃廠買書

鐘樓斜倚獨歸然十刹茫茫海接天茶相宅荒雙板沒

梧門詩好一龕編難忘歆血傷心地庚子議約先於沿海廣化寺見洋員

亦然斷送看銓中酒年後門鏡事最盛最是西涯銷夏集荷花

香處藕為田十刹海觀荷

西來爽氣鬱蔥然不數洞中卅六天塔寺有靈閣改葬

碧雲寺舊為魏闔御窰無主戶誰編疏璃窰在山中窰戶趙姓承業僭越

踰制今聞終南捷徑悲今日近日士夫多興慶朝班憶

往年癸卯夏入覲於頤和園仁壽殿祝釐曾在卧佛寺小住三日絕好漫山長薇蕨

餓鄉瞰海變桑田

西山挂笏

蘆葦當門景悄然綠槐高處午陰天馬蹏踏月成孤賞

每於丙夜獨游龍爪穿籬待補編五簋鄭盦時召客謂潘文勤一棺

廣雅感流年南皮相國夫人樞停寺中將及廿載南皮所製挽語極痛奉香早絕黃

門使更有何人說寶田春秋佳日中使時來進香余官京曹曾見之龍樹寺銷夏

檐鈴對語佛燈然塔勢孤高欲破天茉莉煙濃香細擣

寺僧精製鼻煙以茉莉薰之菊花霜重譜新編寺中菊花多至百餘種驪歌上

國通賓驛王人奉差馳驛均以此為初程發軔地蠟淚纍臣遣戊年戊戌政變

同鄉李苾園尚書遣戍暫寓寺中余為挑燈置酒太息寺僧貧補衲傳衣安得

水圍田天甯寺祖餞

拂袖籠紗事偶然坐看花雨散諸天同時善果嗟淪沒

善果寺亦金元巨刹庚子之亂被燬舊號憫忠已改編舊為憫忠寺白馬馱經

西邁口黃龍置邸北征年宋徽欽蒙塵即寓此寺中蟲沙歷劫僧無

恙猶道先朝有賜田法源寺弔古

道人有道鬢蒼然樓觀飛雲傍九天五夜庚申曾坐守

百齡甲子又重編老人堂道士有年過百歲者長安近日原如奔燕

九前游不計年飽飯黃冠應笑客縱歸陽羨已無田白雲

觀會仙

廟貌東西各儼然城南城北不同天京師廟市三日隆福寺護國寺土地

廟分列內外城宣南士大夫每於斜街讌集斜街地僻成村落冷寺朝回集

檢編第一草堂鄰秀野逢三花市抵豐年蘆棚廣列新

農具為報春深早插田

土地廟看花

八里橋邊意渺然潞河春舫坐如天插前泅水錢為戲

開據建飯之勢泛舟士女爭擲金錢兒童泅水攫取相與為樂

圖裏題詩句任編吳穀人祭

酒有二閘泛舟圖記

佳會展裙休沐日中流簫鼓太平年京通十

七神倉粟都是江南上上田

二閘泛舟

花木禪房遇皎然尋芳宜趁晚春天姚黃魏紫供吟嘯

紅杏青松富簡編厄運久經龍漢劫清游最憶鼠兒年

丁亥戊子間京曹簡暇所居與寺相近時往游行

拙庵漫灑興亡淚上院盤山

有墓田

盤山為上院崇效寺訪僧

...

神化丹青像儼然九蓮妙諦證西天前身靜入修羅室

吉夢祥徵薈記編

玉堂薈記謂孝定夢中授經因以成佛

長信宮疑成佛

地都人子溯問安年扶持龍象空王力獅子豪家不數

田長椿寺讚佛

曹靖陶看雲樓詩題詞

六代繁華偽體裁空山風雨翦蒿萊建安骨格淵源在

獨數陳思八斗才

八音匏竹協雲韶異俗鹹酸五味調中婦流黃衣罷織

色絲爭似外孫嬌

鳴騶昔過專諸巷遊俠風流想像之今日重揩吳下目

說詩深悔識君遲 曹寓專諸卷

長至後三日消寒第一集夢華招飲以詩索和依

韻答之

雪花應候眼開明信有陽從子半生歲改幾人知漢臘

後十日為西曆臘盡日 復來七日紀周正 十一月七日長初調葭

律番風動各抱葵心向日傾 坐中諸遺老談析津近事 白髮中丞招

近局遑辭盡醉到參橫

夢華復以和東坡聚星堂雪詩韻見示仍依韻奉

酬

我欲跋光看紅葉鋒車鎮日阻風雪客中忽報一陽回

添綫光陰續不絕窮海幽棲共諸老松心堅謝柳腰折
年年至後理觴詠推敲五夜燈明滅昨歲蒙塵罷清宴
麻鞵虛負郵籤掣茲集獲侍大馮君瓊筵重啟花飛纈
示我新詩長短句咳吐九天霏玉屑聞說補松葬有期
舊雨晨星電一瞥得杭州函子修同年即日安葬北
山余病不赴命福兒馳往會之矧
復燕山莽戰雲津鵠舊恨誰能說今朝且醉蘭陵酒重
裘莫使壓如鐵

附社作

金壇馮

煦 夢華

萬族凋零霜下葉煩宛如痲不一雪滬西囂塵彌溷
人獨屏空虛與世絕徂年將盡日頽然奇氣輪囷半

摧折且招近局得暫歡看天一任浮雲滅淮表况復
翩哀鴻欲往起之肘屢掣卽今杖履得春多娓娓清
言展眉纈避秦何必武陵源共撫松醪解羈屑五老
編詩紀義熙越水吳山同一瞥近有吳越聯吟有客昨自津
門來哀語聯絲和淚說殺人盈野復盈城若輩肺腸
勝頑鐵

襄陽吳慶燾 寬仲

飄泊東南身一葉蕭然笠屐輕霜雪積陰終有孤陽
奮人禍何曾天道絕蒿叟海濱今大老吾曹同歲久
心折坐中筱石尚書與公丙戌同年餘如古微聘三兩侍郎堯衢京卿及子皆與公同壬午鄉舉雪

丞與尚書兄少石方伯及先兄
神寒直與天球重腸
燮甫應城君皆癸酉同年也

熱欲興炎井滅滿目鴻嗷苦流徙何心鷹飽爭飛掣
孤懷夢長繞日馭綵筆光還奪霞纈爲澆塊壘出尊
酒聊唾珠璣散談屑太息蠻觸蝸角鬪祇共煙雲鳥
飛瞥衆生徒喚無奈何我佛亦云不可說獨公向夜
聳吟肩紅鑪淬透忠肝鐵

夢蕉亭雜記刊成重經校勘訖感賦長句再疊東
坡聚星堂雪詩韻

校書有如埽落葉書成又似爪留雪年來禿盡江郎筆
那有色絲驚妙絕回思四十年中事幾經山撼幾波折

存
卷二
五
堂堂白日相遞嬗耿耿丹心不磨滅綠蕉有夢鹿已迷
碧海無情鯨未掣周鼎銷蝕雲雷篆虞裳破裂星辰纈
倒戈憂已偪蕭牆操楫人誰珍木屑太息黨禍甚藩鎮
一朝興廢霜花瞥卮言我慚一漏萬此事佛云不可說
新法禍宋闖亡明何人錯鑄六州鐵

十一月十五日倪遠甫楊韻秋招集江上五層樓
賞雪卽席得句三疊東坡聚星堂雪詩韻奉酬主
人並簡坐上諸老

大風捲盡霜林葉夜雨連江化爲雪層樓依舊五雲高
萬象一色詫奇絕主人開宴樓上頭嘉招治具柬先折

重陽會後續舊歡

九日曾假斯樓宴客

對此茫茫百感滅

解客心愁故作狡獪
玉龍掣坐挹金尊
酒味濃光搖銀
海波紋纈斯樓疑是聚星堂
惜無禁體狀騷屑
東坡距今已千載
印留泥爪鴻飛瞥
老不作兒女態
撒鹽起絮羞勦說
主賓共醉樂陶然
回首雪山騎突鐵

江樓宴罷獨遊半淞園晚歸

翦得吳淞水名園適近郊
寒雲封蘚路殘雪掛松梢
籬補三竿竹亭誅一把茅
輞川吾未到疑是孟城坳
煙重迷紅板茶香泛碧甌
壁間尋舊句客冬有半淞園題壁廿首
江上起新愁
目已窮千里
心惟戀一邱
歸來呼斗酒
今夜

月當頭

聞子修同年營葬有期作此遙寄

黃榜臚名三百輩當時氣誼獨相親為辭南嶽觀風使

來作西湖泛月人汗竹克完千古事

君舊太史氏曾補著庚子碧血錄

松長護萬年身右台我亦營生壙輸爾先眠得避秦

壽余壽平中丞七十

臘月八日

花影移甄諫草新衡雲為雨四時春浮湘拜屈甯忘楚

蹈海希連肯帝秦鉤黨早除元祐籍加年長作義熙人

漢家臘事君家慶粥鼓聲中戲綵陳

消寒第二集雪丞廉訪招飲四疊東坡聚星堂雪

詩韻

一尊酒熟桑落葉昨醉蒿庵今醉雪地僻不聞車馬喧
帶草當門獨清絕束髮相知五十載牂牁作宰心已折
南皮觥觥稱舉主薪傳直接火不滅等身著作多歲月
卻爲吏事苦牽掣長才甫展謗隨之貝錦幾涓繡衣纈
達官貴族競延致虛與委蛇君不屑輦帶終錫賴 聖
明雲過天青付一瞥我欲飲君郟筒酒劍南兵事不可
說滄江歲晚聊爲歡呵筆寫詩硯磨鐵

附社作

馮

煦 夢華

斗室校書埽殘葉卻起驅車從老雪雪蟄虹口東復

東窮巷蕭然塵鞅絕東觀祕藏每著錄南皮慎高且
節折陽和抱樸融天倪不學枯禪斷生滅修髯垂垂
一尺強含飴一任雛孫掣筵前羅列五侯鯖醺酒擊

鮮若霞纈翩來諸老柴桑儔雅坐清談慘瓊屑卻望

錦江莽風煙陳迹廿年空一瞥等是華陽舊隱居君籍

華陽子家亦有華陽洞天第八洞天我能說會當吹笛壽東坡更

借哈翁如意鐵哈觀津藏東坡鐵如意

消寒第三集堯衢京卿招飲五疊東坡聚星堂雪

詩韻

三九交期數冀葉玉梅階下花如雪浦西新築倦知廬

回首湘山鳥飛絕主人延客具雞黍倒屣不妨齒爲折
自來水部例工詩落筆雲煙倏起滅五馬一麾又六察
肘印甯受長官掣柏府霜棱肅外臺繡章輝映斑衣纈
含沙構釁彼何人不能毀我黃金屑將母歸趁洞庭帆
湖水涵虛一鳥瞥竭來海上作流人西江美政吾能說
第一功名不媚夷南山舊案堅如鐵

附社作

長沙余肇康

堯衢

去國一身輕似葉

借句

海內天涯證鴻雪敗龍戰罷鱗

甲飛

遼瀋劇戰方北

寒不能消愁欲絕闌干苜蓿聊相温公

餽儘人鼎足折四方蹙蹙何家爲留眼且待匈奴滅

蚍蜉狐狸安足云跋浪鯨鯢嗟未掣酒酣耳熱呼鳴

鳴朔吹森森入簾纈大府當年戲下人賸此竹頭與

木屑遂令敵國起舟中舉目河山哀一瞥作者甯非

古七人賓主凡七人蛤蜊且食他何說陰凝見睨翻不消

將毋再持白戰鐵

吳慶燾寬仲

洞庭波冷木脫葉尋梅夢踏蘇嶺雪風流長羨孟夫

子白首松雲詩清絕今我年年作逋逃歸心日夜大

刀折君乃譽我能校書傷哉忠孝字漫滅病山屬校所刊格言

類編代訂正百餘字來南昌往事休更題來詩並及丙午南昌

教案事余嘗
建言不果行
水天霞鶩電光掣
回憶尊酒別君時
春

波南浦
皴綠纈漢上題襟
迄海上劇談未免疑
瑣屑

著書多
伏校書懶安用
纖碎空記警
警記梁氏玉繩所著
邇來

世事萬千變
筆誅口伐無從說
滴盡銅仙無限淚
何

似吾鄉寺佛鐵
襄陽西門外有鐵佛寺數百年矣寺就廢而鐵佛歸然獨存

嘉平二日為夢華中丞同年八十晉三大慶賦詩

預祝六疊東坡聚星堂雪詩韻

力能扛鼎技穿葉
十年飽踏柯亭雪
君在翰林甫十年即外簡
春榜

傳宣附驥名仙吏
曹郎地懸絕
王城似海時
見過雨後

整巾一角折報國
不僅在文章
決策誓欲匈奴滅
謂甲午上

書論中
日戰事

璽書外除鳳陽守一麾五馬前旌掣還來開

府皖江頭繡衣按部繁於纈懲貪罔計丞相曠手持白
簡去猥屑白田歸隱遂初服仰天大笑浮雲瞥牘有活
人心未灰生佛萬家共一說祝公豐饒到期頤寒松謾
謾幹如鐵

消寒第四集寬仲觀察招飲七疊東坡聚星堂雪

詩韻

昔歲扁舟駕一葉溯流夜走鹿門雪襄陽從古多耆舊
大隄女兒更殊絕君家兄弟文中豪談經角早五鹿折
獨留仲也閱滄桑老眼孤清炯不滅

國變後自署
炯然孤清

功名

紙上不經意紅錄廠肆電虛掣謂丙戌會試事好風吹上滕王

閣簾捲坐玩落霞纈歸來邦政必與聞肯以儒術供談

屑曾充鄂省諮議局議長旋棄去大壑移舟又一時歇浦重逢感飄瞥

玄黃戰血十五載武昌首禍甯忍說金粟庵卽七客寮

君所居曰金粟行庵是集賓主七人劫火不燒鐵厓鐵楊鐵厓有七客寮

附社作

吳慶燾寬仲

望斷宣城青竹葉郢歌卻教和白雪天地風雲到處

通我生胡愁徑路絕凍雨歇後晴泥乾巖焱弩勁膠

迸折衝寒齊上海市樓夜光酒波共明滅二老風流

鬪健句滄溟跋浪長鯨掣爭看大手勇奪標頓覺老

眼明開纈闌入醉鄉正少人朱游那容去不屑是日雪老

以事不至適曉南自杭來尚書函告遂邀入局酒酣偶述少年事千佛我亦

優曇瞥武昌官柳搖落盡蕉鹿春夢向誰說公詩及余丙戌

會試紅錄誤報第事宣統初湖北舉余為諮議局長適公督兩湖未幾公與余俱去遂有辛亥之變蕉

亭筆記公近著也且喜髯蘇生日近鶴飛試弄長笛鐵

附社作

余肇康 堯衢

吳侯校書如埽葉盡剔麻沙飲冰雪去蠹三字我已

難君乃韋編欲三絕病山新刊格言類編屬同人校勘余為簽出三字寬仲一夕乃

勘誤百數十字即此已見復古心良醫鍼灸幾肱折精審不可及

昔我蕃獄治南昌君憤速我朝食滅非鬼非人誰氏

子恣其蛇蠍肘頻掣新詩五唱寵我行仲素迴文如
委纈頃來海上同遯荒四座傾談罪玉屑周餘漢臘
自年年地踔天蹠奇變瞥傷心吾末如之何合掌佛
云不可說嗚呼作俑彼何人鑄此大錯六州鐵

懷伯嚴頌年疊前韻

家學彪傳固才名祁謝郊

伯嚴諸子能文長君尤勝惜已化去

山中留屐

齒湖上試鞭梢落筆工臨柳

書法似誠懸

論文不數茅

鹿門唐宋

八家文鈔圍於己見識者非之

歲寒何所適心寄嶺梅均

翰林瑚璉器寶貴抵金甌頑佛甯知命

番僧妄談休咎不值一笑

真

仙不解愁年宜齊白傳詩早壓青邱五老聯吳越惟君

尚黑頭

懷曉南杭州三疊前韻

朱髯湖上住雪後樂晴郊岳廟柏成鐵孤山梅逗梢長

隄何代柳野埠數家茅

琴初五峰草堂在茅家埠

永夕懷人夢城譙

落枕切

埽我花三徑遲君酒一甌棋枰今日局斗米故鄉愁

年來

同籌黔省振事

學佛騶迎島昇仙袖挹邱何如絲與竹陶寫到

江頭

二十八日伯夔假坐容園雅集卽席賦簡四疊前

韻

近局袁閔宅何期適遠郊

沈冕士容園遠在泥城橋南

車聲穿石罅

鐙影隔林梢修鳳才推浦

諸弟皆雋君尤能文

殺雞心識茅

奉親養志

聚星持寸鐵惜少雪堆均

三九消寒集與夢華諸老賦詩用東坡聚星堂雪詩韻此

集約在三九

縱無花繞壁將進酒盈甌鹿夢君休笑

曾荷夢蕉亭蝸雜記題辭

爭我欲愁有時尋飯顆何處覓糟邱預辦催年鼓浮生

易白頭

鹿山詩存題詞

熟讀古詩十九首愚山五字抵長城風流文采今猶在

不覺前賢畏後生

五言古體格韻均勝

笥河昔賞黃童句太白樓中酒未醒安得扁舟下采石

聽君高唱大觀亭

七言長古以大觀亭一首為冠

鍾情悟到情空處好夢難禁夢醒時

用集中句持謝揚州狂

杜牧十年一覺已嫌遲

七律中多見道語

海桑閱徧客無家老作詩人計已差輸與江郎一枝筆

爛斑五色炫生花

堯衢伉儷結褵已五十載賦詩索和依韻賀答

曾看海日諧花燭

癸亥年乙庵以詩索和

佳話君家重與論偕老

百年欣過半嘉平二日記初婚香薰伴讀雛鬟嫁詩和

催妝舊稿存不識人間有離別銀河喚渡笑天孫

感事疊前韻

不曾得意已忘言時局如斯忍再論
栗里識迷辭薄宦杜陵惜別賦新婚
人來赤壁殊今昔酒醉黃壚感沒存
茅土當年隆準貴那堪江上泣王孫

嘉平既望消寒第五集曉南觀察假坐花近樓雅
敘卽席賦酬八疊東坡聚星堂雪詩韻

南屏晚鐘撼木葉斷橋人跡踏殘雪
知君垂老戀西湖移家早與塵市絕
平生熟讀岐黃書良醫喻相肱三折
有時趺坐愛逃禪一卷心經了生滅
桂管承宣領大藩銀印輕擲釣絲掣
今年行在見天子朝衣檢點淚盈

續十載比鄰忽分手
媿媿清言隔玉屑
吳越一水去復來
浦江葭瑄飛灰
瞥賓筵假我花
近樓萬方多難從
何說相期各保歲
寒身百鍊精金莫
作鐵

附社作

馮煦 夢華

我飲本不勝蕉葉
况復煩襟未湔雪
江左蘊隆早既甚
今一冬乾更愁絕
朱叟昨自湖上來
近局招邀簡先折
尊俎聯愉一日歡
宙合颿塵隨起滅
元陽不蟄捐重裘
是日煥甚安得瓊英如電掣
從君爲訊孤山春
小梅破萼繁於纈
我兄昔宰竹玉城
謂先從兄少鐵君負清才
脫羈屑煎茶試院
共論文四紀流光
飛鳥瞥我兄宰

樹已十圍詩成無分連牀說君歸湖上偃松關看人
銷盡輪躑鐵

何肖雅春明夢錄題詞和元韻

枉直分明判尺尋誰譽誰毀本無心謹嚴恪守春秋法
博雅何慚著作林定有夢花生筆綵卻從鄰爨識琴音
紙窗呵凍挑燈讀浮白渾忘夜漏沈

和答章一山見懷卽步其韻

十年寄廡客吳趨眼底桑田海亦枯葭瑄有詩吟杜甫
與夢華堯衢作梅花無夢伴林逋

內子沒將十年

傳聞漢口斜

飛鳥回首延秋夜集烏思君不見甯三日鄙吝期除舊

染污

與友人夜話疊前韻

艱難與共豈殊趨一局棋枰惜已枯周道黍離嗟我醉
殷墟麥秀惜臣逋齧蹠莫問同槽馬冷眼愁瞻止屋烏
憔悴行吟江上客西風肯受庾塵汚

重檢蓮漪夫人遺篋有感

雁柱摧傷蜀國絃拋殘錦字與釵鈿重尋綠萼梅花帳
蓋篋塵封四十年

消寒第六集花近樓開讌卽席賦呈坐上諸老七

疊東坡聚星堂雪詩韻

我生猶及清七葉不死而今鬢如雪臺省回看故侶稀
家山遙望音書絕萬劫曾經頭任焦三公不羨臂羞折
僧尋蘭若播鐘鳴客話蕉窗髡燭滅移病幸不損眠餐
無官早已謝鉗掣唾壺碎留襟上痕詩本新搥袖中纈
兄事幾人適吾願弟畜諸老不我屑鼙鼓漁陽耳忍聞
弈棋長安眼斜瞥寶祐制科許見收開元遺事猶能說
投轄今宵學孟公酒令嚴於門限鐵

附社作

馮煦
夢華

君詩下筆蠶食葉麗句清詞濯冰雪小奚持送走且
僵每誦一篇輒驚絕譬之國醫有盧扁起衰甯待肱

三折君今招我花近樓共撫松醪塵鞅滅青陽初動

得昭蘇是日立春莫使羣陰互相掣與君昔題漢上襟黃

鵠磯頭片雲纈陳迹一逝隨秋煙何物觸蠻仍屑屑

南皮奧略厲之階百度維新皆一瞥坐令荆棘棲銅

駝舜野堯幽忍重說酒闌北望慘不歡賸有剛腸堅

似鐵

吳慶燾寬仲

年光冉冉更莫葉草木摧人鬢霜雪朝來忽聞鞭土

牛小兒拍手齊叫絕吁爾小兒那知春句芒久亦遭

摧折老夫私跂行月令漢家火德未應滅日月昭昭

斗杓正風電甯許隨馳掣

是日立春上海令奉當事檄飭舉行迎春典禮辛亥

後所未有也

驅車亟赴花近樓暖披綠襖展黃纈新醪釀

啟洞庭柑香羹略同玉糝屑因憶坡仙昨覽揆一曲

海鷁南飛瞥吾曹大都生不辰命宮磨蠍何須說主

人嶽降翊周宣來歲待曼蕤寶鐵

公與余皆五月生

甯海章 棧一山

朔風僅足欺黃葉松柏便能容冰雪陰陽消息易最

明聖手一編韋三絕廬陵當日禁體開東坡雄才亦

心折師生遭際尙承平文章千載不磨滅吾師先朝

社稷臣大盜移國右手掣痛哭歸來白日斜目光瑩

瑩淚花纈我亦危城待盡人與賊周旋終不屑荒江

破帽十四年黃雀螳螂同一瞥昆明池水百尺高劫

燒層層僧能說夢蕉雜記忍深看大錯鑄成六州鐵

夢蕉亭雜記係師所著新梓行者

感事三疊前韻

學孔希顏謹步趨夢中綵筆已全枯池殃未及魚遊戲

巢覆猶完鳥畢逋休向密宗尋病虎

某番僧到處歡迎說法病虎為姚少

師別號轉因早慧惜童鳥揚清激濁吾曹事涇渭同流謝

台汚

劍丞伯夔招飲卽席奉酬九疊前韻

采薪未與西園集

月前招飲未赴

又荷嘉招列綺筵煙寺午鐘

方獻佛

席設劍丞別墅與靜安寺鄰近

霜街臘鼓已催年觸蠻蝸角今

何世雞犬桃源別有天情話親朋忘老病舉觥况復酒

如船

景少南明府自滕縣差次來謁作此示之

叔繡遺封迹已陳滕南韻事屬詩人長蘅不作漁洋逝

記否花開白似銀

李長蘅有滕縣花開白似銀詩句為錢牧齋所歎賞後王漁洋奉使往還

均過滕南致有不見花開白似銀之句惆悵久之

簡一山四疊前韻

滾滾潮流酌避趨離離原草閱榮枯翦鶉一夢天胡醉

逐鹿干場寇尙逋
灞岸無人談射虎
姑蘇有客憶啼烏
聯吟儻許描長卷
畫本休教寒具污

華璧臣六十自壽詩卷題詞

河山風景新
亭淚文武衣冠故
國思六十年華彈指過
開元政策義熙詩

多難熒熒閱未堪
曾聞廣坐罵朱三
何須家祭他年告
及見中興慰劍南

同遵漢臘侍春朝

越日
立春

拜賜猶存舊黑貂
君鬢漸蒼吾

已老何時重過杜鵑橋

君爲天津望族余駐節津
門二載身歷辛亥之亂

福兒由杭攜回右台梅花一枝對之增感

今年梅信早右台舊植樹一枝折寄來霜雪經幾度靜
室發古香春意此布濩忽憶栽花人招魂渺何處安得
琴鶴旁疏影託豪素滌我九迴腸爲君賦長句

梓怡招飲卽席奉簡

澗灩金波動酒鱗華燈雙照黛眉顰胭脂坡下貂裘客
玳瑁筵前翠袖人十斛明珠猶待聘六街臘鼓已鳴春
越日
立春鐵厓老去風情在醉後簪花白髮新

東坡生日口號

不知宋南渡把酒祝東坡苦矣宗留守病中呼渡河

簡一山太史用杜少陵贈衛八處士詩韻

求志學顏孔逐末卑管商門多長者車蓬華生輝光平
生昧諧俗結交盡老蒼積歲不相見念子摧我腸何意
春風生披拂過鱸堂狂簡皆吾與矧乃得中行今日是
何日多難瞻四方且謀一席醉雞黍佐壺漿君本丹山
鳳羞啄雁稻梁曾聞鈞天樂憂時感臨觴我老滬江曲
著書歲月長送君期復來獨立意蒼茫

小除日懷曉南杭州

相逢各訝鬢毛斑臨發偏教一面慳本以活人償素願
莫緣憂國損朱顏尋碑近訪前朝寺拄笏遙看隔岸山
病起黑貂猶可著好憑漢臘待春還

除夕漫興十疊東坡聚星堂雪詩韻

海濱栖遯萍一葉客裏望春如望雪一年容易夜將盡
爆竹聲聲續不絕宦轍曾經五行省驛亭官柳不堪折
昔時綠鬢今白頭祇有丹心未澌滅往讀坡公除夕詩
告歸苦被官事掣東坡通判杭州詩云除夕當告歸官事乃見留偶因守歲發
吟嘯起視鐙花開眼纈我雖命宮弗坐蠹草間偷活乞
人屑來朝卽是古稀人六十九年驚雷瞥屠蘇且謀今
夕歡舊夢難喚春婆說獨依星斗望京華翦鶉錯鑄六

州鐵

和堯衢除夕詩韻

子遺何幸是周餘
 矍哉翁我不如
 逆旅光陰偏愛惜
 綺懷詩句待刪除
 且開缸面新醅酒
 還讀鐙前有味書
 遙夜六街喧爆竹
 春聲先到倦知廬

八百里外消長
 古稀人六十
 此平驚世
 昔年親見
 公

和
 蘇
 東
 坡
 詩
 句
 待
 刪
 除
 且
 開
 缸
 面
 新
 醅
 酒
 還
 讀
 鐙
 前
 有
 味
 書

昔
 和
 蘇
 東
 坡
 詩
 句
 待
 刪
 除
 且
 開
 缸
 面
 新
 醅
 酒
 還
 讀
 鐙
 前
 有
 味
 書

昔
 和
 蘇
 東
 坡
 詩
 句
 待
 刪
 除
 且
 開
 缸
 面
 新
 醅
 酒
 還
 讀
 鐙
 前
 有
 味
 書

昔
 和
 蘇
 東
 坡
 詩
 句
 待
 刪
 除
 且
 開
 缸
 面
 新
 醅
 酒
 還
 讀
 鐙
 前
 有
 味
 書

昔
 和
 蘇
 東
 坡
 詩
 句
 待
 刪
 除
 且
 開
 缸
 面
 新
 醅
 酒
 還
 讀
 鐙
 前
 有
 味
 書

昔
 和
 蘇
 東
 坡
 詩
 句
 待
 刪
 除
 且
 開
 缸
 面
 新
 醅
 酒
 還
 讀
 鐙
 前
 有
 味
 書